

# *BAHEBERE,*

## *KGAOLO YA BORATARO* <sup>3</sup>

Madume, ditsala. Ke tshiamelo go nna fano. Mme—mme go diragatsa kitsiso ena e tono go tswa mo go modisa phuthego gone go tlhomame go tlaa tsaya botshelo jwa mmanete, a ga go tle go dira? Jalo he re neela thoriso ko go Morena ka ntlha ya dithata tsa Gagwe tsa phodiso tsotlhe tse ditona le mautlwelo botlhoko a Gagwe a A a re neetseng go fologa go ralala dingwaga.

Jaanong ke na le dikitsiso di le mmalwa go di dira. Bongwe, rona, Mokaulengwe Wood le Mokaulengwe Roberson, mme re batla go lo leboga lotlhe ka ntlha ya go re rapelela, gore re nne le mosepele o o sirenletsegileng. Re ne ra nna le nako e e monate thata; ne re tsamaile malatsi a le manê le halofo fela, ke a dumela, mme ra boa gape re sirenletsegile. Morena o ne a re segofatsa.

<sup>506</sup> Jaanong, re itsise gore Mokaulengwe Graham Snelling, tsosoloso ya gagwe, e tswelela pele, golo kwa bo—bokhutlong jwa Brigham Avenue, kwa mo... mo motsemogolong fano. Mme bosigong jono jwa Laboraro o o tlang... ke batla go tsamaya ka moso, morago ga phitlho ya mongwe yo ke tlaa mo itsiseng mo metsotsong e le mmalwa. Re tlaa le itsise ka bosigo jwa Laboraro. Re batla go ya re le baemedi, rotlhe, golo kong go etela Mokaulengwe Graham pele ga a tswala tirelo ya gagwe golo koo. Mme re tlaa leka go kokoanya kereke yotlhe ga mmogo, fa re ka kgona, mme re tsamayeng re le baemedi go kopana, go nna le Mokaulengwe Graham mo nngweng ya ditirelo tsa gagwe.

<sup>507</sup> Mme, jaanong, motshegareng ono wa maitseboa kwa—kwa kagong ya morulaganyi wa diphitlho ko Charlestown, ke mm—Mmê Colvin, yo nako-nngwe a neng a tsena kereke fano dingwaga di le dintsi tse di fetileng, a neng a godile dingwaga di le masome a a supang le bonê, o ne a tlogela botshelo jona maabane go ya go nna le Morena Jesu. Mme phitlho ya gagwe e tshwanetse go rerwa ka Mosupologo, ka Moruti Rrê McKinney, yo neng go tlwaetswe, pele, e le modisa phuthego wa kereke ya Methodisti kwa—kwa Port Fulton ka dingwaga di le dintsi, yo e neng e le tsala ya khupamarama ya bonê. Mme ke tshwanetse ke mo thuse, Mosupologo, kwa, ke dumela gore ke nako ya masome a le mararo morago ga bongwe, kwa—kwa kerekeng kwa Charlestown, Indiana. Mme lona lotlhe ditsala tsa lelwapa la Colvin lo tlaa, ke a itse, lo tlaa lebogela jaanong kgothatso e nnye fela kgotsa go... tumedisonyanana ka seatla. Gonne rotlhe re a itse se seo e leng sone, rona ba re nnileng ra fologa go ralala tseo,

mo dikgokphung, ka borone, mme re itse gore go raya eng go latlhegelwa ke tsala. Mme jalo he rona . . . O robetse teng ko—ko kerekeng jaanong, fa Charlestown, Indiana. Fa lo ya kwa godimo tshokologong eno, goreng, gone go tlaa itumelelwa ke lelwapa la boora Colvin, ke tlhomamisitse. Ba le bantsi ba batho ba bona ba santse ba tla fano mo motlaaganeng. Ke nyadisitse, ka fitlha, ka kolobetsa, go le gontsi gaufi thata, lelwapa la bone, gotlhelele. Jalo he Rrê Grayson, yo neng go tlwaetswe e le moagisanyi wa rona gone fano, ke morulaganyi wa phitlho golo koo.

<sup>508</sup> Mme go tloge sena, bosigong jono, Morena fa a ratile, kwa re tlogelang gone mosong ono, re tlaa leka go simolola gone bosigong jono, mo thutong e tona ena e re e ithutang mo go yone jaanong. Mme fong ke akanya gore moo e ne e le dikitsiso, go ya ka fa—ka fa ke—ke itseng ka ga tsone. Mme bosigong jwa Laboraro yona yo o tlang, jaanong, re tlaa itsise bosigo jo re ileng go nna le Mokaulengwe Graham.

<sup>509</sup> Mme re amogela baeng botlhe mo dikgorong tsa rona. Mme re itumeletse go nna le lona fano mosong ono, ebile re rapela gore Modimo o tlaa lo segofatsa mo go fetang, mo gontsintsi, gompieno ka ntlha ya bokopano jona.

<sup>510</sup> Mokaulengwe Cox o fetsa go mpolelela gore thulaganyo ya go begela batho ka dikapamantswe e ne e sa dire sentle thata ka nako eo. Yone kooteng ke, gongwe go ya ka seemo sa loapi, bongola jo bontsi mo digoagoeng foo. Mme tsone ga di a siama thata, go tloga le kwa tshimologong, jalo he seo e ka tswa e le lebaka.

<sup>511</sup> Jaaka ke bona kgaitadi a dutse fano yo ke mo itseng, Kgaitadi Arganbright, nna . . . Sena ga se a siama—le ditlwaelo tsa maitsholo, go botsa sena, fela a o ne wa utlwa go tswa ko go Mokaulengwe Arganbright esale a ne a le ka kwale? Nna ke kgatlhegela go utlwa go tswa kwa go ena ka bonako ka fa re ka kgonang ka gone. Ena o ko Switzerland le Jeremane, ko bokopanong ka kwa le Mokaulengwe Tommy Hicks le Paul Cain. Fa o ka ba wa utlwa, Kgaitadi Ruth, wena o nkitsitse gone foo, gone ka bonako fela jaaka o ka kgonka ka gone.

<sup>512</sup> Jaanong, motlaagana o monnye ga o na boloko, fela re na le kabalano. Ga re na tumelo fa e se Keresete, ga go molao ope fa e se lorato, ga go buka epe fa e se Baebele. Eo ke Buka e le esi e re itseng ka ga yone, le selo se le nosi se re se itseng, jaaka re na naso. Jaaka Madi a ga Jesu Keresete a re itshekisa mo maleong otlhe, re na le kabalano mongwe le yo mongwe, mongwe le mongwe.

<sup>513</sup> Ke ne ke lemoga, mosong ono, mo go bangwe ba lona batho ba lo ka tswang lo utlwile mokaulengwe a rapela. Yoo e ne e le Mokhatholike, jalo, kgotsa Mokhatholike pele. Mme re na le mehuta yotlhe ya batho ba ba tlang fano. Ne ka nna fela le tshiamelo, metsotso e le mmalwa e e fetileng, go dumedisana ka seatla le mokaulengwe wa Momennonaete yo o dutseng fano.

Le go tswa Bamennonaeteng, go tswa Mamethodisting, go tswa Mabaptisting, le Makhatholikeng, kgotsa le fa e ka nna mang yo o tlaa ratang, ba letteleleng ba tle. Mme re abalaneng ga mmogo tikologong ya ditshegofatso tsa Lefoko la Modimo. Ba dutseng ba le teng ke Mosupi wa ga Jehofa le mehuta e e farologaneng ya batho, go jalo, ba makoko a a farologaneng.

<sup>514</sup> Ke ne ke tlwaetse go rata (sentle, ke santse ke dira le mororo) Bophirima. Ke rata dipitse le dikgomo. Nna fela ke ne ka godisetswa mo polasing, mme ke—ke a e rata. Mme re ne re tlwaetse go nna le go phutha dikgomo, mme ke ne ke tle ke tsamaye le bona. Mme re ne re na le legora le le neng le kganelia metlhape e e neng e kalakatlega. Ga ke itse a kana lona batho ba kwa Botlhaba lo itse se legora le le kganelang metlhape tse di kalakatlegang e leng sone, kgotsa nnyaya. Ke nako e lo tsenyang dikgomo ko na—nageng, ba na le legora go di kganelia gore di se kalakatlege se ba neng ba se bitsa, di boele golo ko mafudisong. Di ne di tlaa fula bojang, kwa ba godisang bojang ba bo godisetsa dijo tsa mariga tsa metlhape. Mme foo ko thabeng, le gone ba na le magora a go kganelia kalakatlego ya metlhape, kwa ba aroganyang dinamagadi tse dintsi ga kalo le tse ditonanyana, le jalo jalo. Go bidiwa go twe legora la go kganelia kalakatlego. Fela legora la konokono la go kganelia kalakatlego ke kwa mofudisi a emang fa metlhape e feta e ralala.

<sup>515</sup> Mme jaanong ke ne ka nna foo, matsatsi a le mantsi, mo saleng ya me, mme ka ba lebelela jaaka metlhape eo e ne e tle e fete mo gare. Go ne go na le mehuta yotlhe ya matshwao a a neng a tsena. Go ne go ne le mangwe a bidiwa go twe ke “Diamond.” Mme mangwe a one a ne a bidiwa go twe ke “Bar X.” Mme mangwe... La rona e ne e le “Tripod,” sengwe se se jaaka letshwao la Boy Scout. Mme mogoma yo o latelang, kwa tlase ga yone, e ne e le “Turkey Track,” mo pitseng. Mme di ne di na le mehuta yotlhe e e farologaneng ya matshwao, go—go itse metlhape ya bone fa ba ne ba e gapela kwa ntle.

<sup>516</sup> Jaanong, mofudisi o ne a sa kgatlhegele ga kalo letshwao le di neng di na nalo, fela fano ke se, mofudisi a neng a na le kgatlhego mo go tlhokomeleng lengena mo tsebeng ya tsone. Sengwe le sengwe se se neng se tsena foo, go sa kgathalesege se letshwao la sone e neng e le sone, e ne e tshwanetse go nna Hereford ya batsadi ba letsopa le le lengwe. E ne e ka se kgone go tsena foo ntleng le fa e ne e le Hereford. E ne e tshwanetse e bo e le seruiwa se se kwadisitsweng mo dibukeng semmuso kgotsa e ne e ka se kgone go fetela mo gare.

<sup>517</sup> Ke a akanya, mo letsatsing leo mogang Morena a tlang, ga A na go ela tlhoko gore ke letshwao lefeng le re le rweleng, fela fa rotlhe re le Bakeresete ba ba tsetsweng sesa. Go jalo. Tseo ke diruiwa tsa ga Keresete. Tlhatlhobo ya Madi e ile go re tlhomamisa, gore rotlhe re Bakeresete. Mme fa re ile go nna ka tsela eo *koo*, go botoka fa rona re ka nna ka tsela eo fano. A ga

lo akanye jalo? Eo ke tsela, re itumelela kabalano yothe go tswa dikerekeng tsotlhe tse di farologaneng.

<sup>518</sup> Jaanong re ithuta mo Bukeng ena e e segofetseng ya Bahebere. Mokaulengwe mongwe o e akotse mo go kalo go tsamaya ena a tsere ditheipi mme o dira buka ya dithuto ka ga ena.

<sup>519</sup> Jaanong re ile go tla, mo bogautshwaneng, ko kgaolong ya bo 11. Re solo fela go nna nako ya mariga mo go eo, mo kgaolong ya bo 11. Ka ga mongwe le mongwe wa baanelwa bao, re eletsa go ya morago go ralala Buka mme re lomaganye Lokwalo lotlhe ga mmogo. Ke ne ke ile go go dira. Ke go dira ka seripa, mo go tse dingwe tsa ena, tsa dikgaolo tsena tse di tileng pele, go dira gore Buka yotlhe e nne e e lomagantsweng ga mmogo. Gonne, lo a bona, Lokwalo le tshwanetse le netefatse Lokwalo.

<sup>520</sup> Ke gone ka moo, fa go na le kganetsanyo epe, gore ope o tlaa akanya gore Dikwalo di a ganetsanya, moo ke phoso. Ga go na Lokwalo le le ganetsang Lokwalo. Kga—kganetsanyo e kwa gongwe E ganetsang tsela ya rona ya go E leba, fela ga E Ikganetse. Ke nnile ke le mo bodireding, go ya go nneng dingwaga di le masome a le mabedi le borataro jaanong, mme ga ke ise, nako nngwe, ke fitlhele selo se le sengwe mo Baebeleng se se ganetsang sepe se sele se se kwadilweng mo Baebeleng. Mme nna—nna fela ke a itse gore gone ga go yo.

<sup>521</sup> Mme gompieno re ithuta mo go nngwe ya dikgaolo tse di segofetseng bogolo thata tsa Bahebere, kgaolo ya bo 7. Mme fa go na le ope yo o senang Baebele, yo o tlaa ratang go re latela mo dipalong, re tlaa itumelela go go tlisetsa Baebele fa fela o tlaa tsholetsa seatla sa gago. Ke tlaa kopa bangwe ba bagolowane, mongwe, a tle kwano a bo a tsaya dingwe. Mongwe o tsholetsa diatla tsa bona kwa morago foo. Mme ke a go leboga, mokaulengwe. Mme fa o batla Baebele, tsholetsa fela seatla sa gago, mme ba tlaa go e tlisetsa.

<sup>522</sup> Jaanong, tsela e le esi e kereke e ka bopiwang ka yone, tsela e le esi e motho a ka nnang le Tumelo, ga se ka lekoko la gagwe, ga se ka tomagano ya gagwe. Fela Tumelo ya gagwe e sa itshetlela mo thutong ya bodumedi le tumelo ya dikakanyo tsa motho mongwe, ka gore gone ke, go batlile go le jalo, gotlhelele ke motho. Fela tsela e le esi e Tumelo e ka kgonang go bona lefelo la yone le le masisi la go ikhutsa, ke fa godimo ga Lefoko la Modimo le le sa sutisegeng le le sa fetogeng. “Tumelo e tla ka go utlwa, go utlwa Lefoko.” Ke ka fo e tsayang ka gone. Mme—mme fa Tumelo e utlwilwe ebile e amogetswe, gone go rarabolletswe ruri. Ga go sa tlhole go na le sepe se le ka motlha ope se ka e sutisang, go sa kgathalesege gore ke eng se se tlang kgotsa se se tsamayang. Ga go sepe se le ka motlha ope se ka fetolang Tumelo eo. Akanya ka ga seo. Wena o itsetsepetsa, mme ga o sa tlhola o fetoga, mo nakong le Bosakhutleng. Wena o itsetsepetswe

ka bosakhutleng, “Gonne Modimo, ka setlhabelo se le sengwe, o itekaneditse ka bosafeleng bao ba ba itshepisitsweng, kgotsa ba biditsweng.”

<sup>523</sup> Mme Tumelo e na le lefelo le le golo thata ga kalo mo botshelong jwa Mokeresete, jwa modumedi, gore e ka kgona go tsaya seemo sa yone mo letlhakoreng lwa lebitla le le loraga kgotsa mo godimo ga lekesi, kwa ngwana yo monnye yo o rategang thata kgotsa mokapelo a duleng mo botshelong jona go ya kwa ntlheng e nngwe. Mme le ka leitlho le le tlhoafetseng la ntsu, e kgona go lebelela kwa go Ena yo o buileng a re, “Ke nna Tsogo le Botshelo.” Mme ba lebala dilo tse di leng kwa nakong e e fetileng. Ba gagamalela kwa letshwaong la pits e e kwa godimo.

<sup>524</sup> Ke a itumela gore Modimo o tlametse ka se se jaana, mme o se dirile neo ya mahala mo go bottlhe. Seo ke se dikereke di tshwanetseng go nna sone. *Dikereke* ga di reye makoko kgotsa mekgatlh; e raya, “Dithophha tsa batho, tsa badumedi, ba ba phuthegileng ga mmogo fa tlase ga kabalano ya Lefoko.”

<sup>525</sup> Mme mo thutong e ntentle fano ya ga Moitshepi Paulo, mo metheong, ko dikgaolong tse di tiliteng pele, ne a berekana ka go faphega ka Bomodimo jo bo renang jwa ga Morena Jesu le yo a neng a le Ena. Keresete e ne e le Modimo, a dirilwe gore batho ba kgone go Mo uthwa le go Mo kgoma, le—le go abalana le Ena. Keresete, Morena Jesu, ne e le mmele o Modimo a neng agile mo go one, “Modimo ne a dirwa nama a bo a aga mo gare ga rona.” Timotheo wa Ntlha 3:16, “Ntleng ga kgang epe go go golo bosaitseweng jwa bomodimo, gonne Modimo ne a bonatshwa mo nameng.”

<sup>526</sup> Jehofa yo motona ne a fologa mme a dirwa yo o tshwaregang, ka go tshela mo teng ga mmele wa Morwa o e Leng wa Gagwe, a bua phatlalatsa ebole a Itetlanyetsa lefatshe. Modimo ne e se sepe... Keresete e ne e se sepe fa e se Modimo, mme—mme Modimo ne e se sepe fa e se Keresete. Ba le babedi ga mmogo ba ne ba dira Bomodimo ka mmele, a dirilwe gannye go nna kwa tlase ga Baengele, gore A kgone go boga. Baengele ga ba kgone go boga. Jesu ne e le Motlaagana o Modimo a neng a agile mo go one.

<sup>527</sup> Baebele ne ya bua, mo kgaolong ya bo 7 ya Ditiro tsa Baapostolo, gore, “Metlaagana, le tsa phi-... ditlhabelo le ditshupelo tsa phiso Wena ga o a di rata, fela Wena o Mpaakanyeditse mmele. Le fa go ntse jalo Ena Mogodimodimo ga a age mo metlaaganeng e e dirilweng ke diatla, fela O Mpaakanyeditse mmele,” go nna mo motlaaganeng moo kgotsa go aga mo kabalanong le motho.

<sup>528</sup> Modimo fa a dumelela, ka bonako fa re sena go wetsa ka kgaolo ena fano, kgotsa re weditse ka Buka ena, re batla go ya morago mme re tseyeng Buka ya Rute mme re supegetseng teng moo ka fa e leng gore Modimo ne a fetoga a nna wa losika mo go rona, go letlanyetsa ba ba timetseng morago kwa go Ena ka

go abalana le go fetoga a nne mongwe wa rona. Morekolodi o tshwanetse a nne wa losika, mme tsela e le esi e Modimo a neng a ka kgona go fetoga a nne wa losika mo go rona, ke go fetoga go nna mongwe wa rona. Jalo he, O ne a ka se kgone go fetoga a nne Moengele a bo a nna wa losika mo mothong.

<sup>529</sup> Maitseboa a a fetileng fa ke ne ke bua le morwa wa pelo e e utlwileng bothhoko, mompati, wa ga mma yo o fetsang go tlhokafala, a re, “Ao Mokaulengwe Bill, ke a fopholetsa gore ena ke Moengele bosigong jono.”

<sup>530</sup> Ke ne ka re, “Nnyaya, Earl. Le ka motlha ope a ka se ka a nna Moengele. Ena ke mosadi, bosigong jono, fela jaaka Modimo a mo dirile, mme o tlaa tlhola a ntse jalo, le ka motlha ope e sang Moengele.” Modimo o dirile Baengele. Ga a ise a dire gore batho ba fetoge go nna Baengele. O dirile Baengele *le* batho. Jalo he batho ga ba kitla ba nna Baengele, le Baengele ga ba kitla ba nna batho. Modimo o ba dirile ba farologane.

<sup>531</sup> Jaanong, mme ka ga Keresete a fetogang go nna nama go rekolola golo ka ko moseja ole o motona kwa motho a neng a wela gone, le gore bosasweng ka ntlha ya boleo bo ne jwa ngotlega, Modimo ne a fologa a bo a tsaya popego ya setshwano sa motho, mme a fetoga a nna wa losika mo go rona, gore A tle a rwale maleo a rona le loso lwa rona.

<sup>532</sup> Mme mo go nngwe ya ditshwantsho tse re neng re di naya, mo dithutong tse di fetileng; motheo o monnye fela gore setlabosheng a kgone go tlhaloganya. Modimo, mo tseleng ya Gagwe go ya golo ko Golegotha, fa lebolela lwa loso le ne le mo go Ena, mme le ne le tserema go Mo dikologa, mme kwa bofelong le ne la Mo loma go fitlhela A swa. O ne a swa go fitlhela letsatsi le tlogela go phatsima. O ne a swa go fitlhela ngwedi le dinaledi di ne di sa kgone go neela lesedi la tsone.

<sup>533</sup> Gonne, ka fa A neng a tshwanetse go dira seo, go tsetsepetsa lebolela lwa loso! Fa A ka bo a ne a le motho yo o sa sweng, fa a ka bo a ne a le mo mmeleng wa selegodimo, kgotsa a ne a le mo moweng, loso ga le na taolo ya seo. O ne wa tshwanelia go fetoga o nne nama, gore A kgone go tsaya lebolela lwa loso. Fela fa notshi kgotsa setshedinyana se se lomang, gangwe fa se lomela kwa teng, sone se ka se tlhole se loma gape. Se tlogela lebolela la sone mo nameng. Mme seo ke se Keresete a neng a fe-...kgotsa Modimo a neng a fetoga a nna sone. Keresete ne a aga mo nameng, gore A tle a tsetsepetsa mo nameng e e Leng ya Gagwe lebolela la loso. Mme erile loso le ne le tlogela kgakala le Ena kwa mokgorong, le ne la tlogela lebolela la lone, le ka se ka la tlhole le kgona go loma modumedi. Le ka kgona go dira leratla la go tserema, le ka dira motseremo le setshosetsi, fela le ka se kgone go loma. Ga le na lebolela.

<sup>534</sup> Moitshepi Paulo yo mogolo, mo mogwantong wa gagwe wa loso, ne a goelets a bo a re, “Oho loso, lebolela la gago le kae?

Mme lebitla, phenyo ya gago e kae? Fela malebogo a nne go Modimo Yo o setseng a re neile pheyo ka Morena Jesu Keresete wa rona, gonне tsoopedi loso le lebitla di latlhegetswe ke thata ya tsone.”

<sup>535</sup> Jaanong, fong, Letsatsi la Tshipi le le fetileng re ne ra tsaya, “Re tlogelang dithaego tsa dithuto tsa ga Keresete,” mo kgaolong ya bo 6, re bala sena, “a re gagamaleleng kwa boitekanelong.” Mme re ne ra fitlhela gore batho gompieno mo dikerekeng di le dintsi, mmogo le motlaagana wa Branham le e mengwe e e farologaneng, re baya mo gontsi thata ka ga go ithuta ka ga dithaego tsa ga Keresete: E ne e le Morwa Aborahama, E ne e le Morwa wa ga—wa ga *Sebane-bane*, le go tswelelela pele go ya morago, ditshika. Fela Baebele ne ya re, “A re latlheng dilo tseo, mme re gagamaleleng kwa boitekanelong.”

<sup>536</sup> Santlha o tshwanetse o itse thuto, o tloge o itse dilo tsena tsotlhe; re tlogeng re di beyeng fa thoko, o ne a re, ka ga tsogo ya baswi, go bewa ga diatla, dikolobetso, le dikgannya tsotlhe tseo tse di suleng tsa ka ga Modimo. Le ntswa go le jalo, tsonaga di na Botshelo bope mo go tsone. Fela kereke gompieno e ya fela kwa dilong tseo, “Ao, re dumela mo Bomodimong jwa ga Keresete.” Ee. Go tlhomame. “Re dumela kolobetso ka metsi.” Ee. Go tlhomame. “Go baya diatla.”

<sup>537</sup> Paulo ne a re, “Re tlaa dira tsotlhe tsena fa Modimo a dumelela. Fela mo pele ga tsotlhe tseo, a re di latlheng jaanong, mme re gagamaleleng kwa boitekanelong.”

<sup>538</sup> Jaanong, kereke e ka se kgone go itekanediswa ka makgotla. Yone e katogela pejana kgakala le Modimo, nako yotlhe, kgotsa pejana kgakala nngwe mo go e nngwe. Re tlhoma dithibedi, re a ikgaoganya, go bonagala ekete ga re na Tumelo. Fela foo fa re tlogela dithaego tseo tsa thuto, fa re tswelela pele go ya kwa boitekanelong, foo dilo tse dinnye tseo di fetoga go nna tse di seng tsa botlhokwa thata.

<sup>539</sup> Re tsena mo botsalanong, mme re fitlhela gore tsela e le esi e re ka itekanediswang ka yone ke go nna mo go Keresete. Mme re fitlhela gore ka ntlha eo, ka dithuto tsa Baebele, gore ka fa re tsenang mo go Keresete; eseng ka kolobetso ya metsi, eseng ka go baya diatla, eseng ka thuto. “Fela ka Mowa o le mongwe rotlhe re kolobeleditswe ka mo Mmeleng o le mongwe fela mme ra itekanediswa ka go boga ga Gagwe.” Ka ntlha eo, re lebega re farologane. Re akanya ka fa go farologaneng. Re itshola mo go farologaneng. Re tshela ka fa go farologaneng. E seng ka gore ke maikarabelo kgotsa re leloko la kereke, fela ka go ntlha ya “lorato le Modimo a le tsholletseng ka mo dipelong tsa rona ka Mowa o o Boitshepo,” le le re dirang baagisanyi mmogo ba kwa Bogosing jwa Modimo, fong ga go na lekoko kgotsa dithibedi mo go seo. Rotlhe re Mmele o le mongwe o mo tona.

<sup>540</sup> Jaanong re itlhawatlhwaeeditse go tsena mo teng mo thutong ya mosong ono, mo metsotsong e le mmalwa. Selo se le sengwe se sengwe se ke tlaa ratang go bua ka ga sone fano, moo ke, gore, Paulo a neng a bua mo Bukeng, ka ga kgaolo ya bo 7, kgotsa, ya bo 6, re fitlhela fano gore re itekanedisiwa mo go Keresete. Go tloge ko temaneng ya bo 13 ya kgaolo ya bo 6, fela motheeo o monnye.

*Gonne fa Modimo a ne a dira tsholofetso ko go Aborahama, ka ntlha ya gore O ne a ka se kgone go ikana ka ope yo o mogolo bogolo, o ne a ikana ka bona,*

Modimo ne a ikana ka Boene, ka gore O ne a ka se kgone go ikana ka ope yo o mogolo bogolo.

<sup>541</sup> Jaanong re batla go ya kwa morago. A re yeng kwa go Bagalatia motsotso e le mmalwa fela. Bulang ko morago ko Bukeng ya Bagalatia, mme lo tseyeng Bagalatia 3:16. Mme re tlaa bala fano motsotso fela fano, ka ga se A ikanneng ka ga sone.

*Jaanong tsholofetso e ne ya direlwa Aborahama le peo ya gagwe. Ga A a ka a re, Le ko dipeong, jaaka tsa ba le bantsi; fela jaaka e le nngwe, . . . ko peong, e e leng Keresete.*

<sup>542</sup> Jaanong fa lo tlaa lemoga, re bala seo ka tlhoafalo jaanong, jaaka lo bala.

*. . . ko go Aborahama le peo ya gagwe (bongwe) ditsholofetso (bontsi) di ne tsa diriwa.*

<sup>543</sup> "Aborahama le Peo ya gagwe." Jaanong, Peo ya ga Aborahama e ne e le nngwe fela, e e neng e le Keresete; mo setshwantshong se se boleletsweng pele, Isaka.

Fela Aborahama ne a na le bana ba le bantsi. O ne a nna le mongwe pele ga a ne a nna le Isaka, mo go neng go supegetsa go dira phoso ga bodumologi jwa ga Sara yo neng a batla gore Hana a tshole ngwana, ka a ne a akanya gore ene o ne a godile thata, mme Modimo a tile mme a dire tsela nngwe e sele go tloga mo tseleng e A neng a e soloeditse.

<sup>544</sup> Fela Modimo o diragatsa tsholofetso ya Gagwe. Go sa kgathalesege ka fa go ka lebegang go se na tlhaloganyo ka teng, Modimo o na le maikarabelo a go diragatsa tsholofetso ya Gagwe. Mme Sara ne a akanya gore gongwe o ne a ka dira gore Hana, kgotsa, Hagare, ke raya moo, lelata la gagwe, a tsale lesea ka Aborahama, mme ena o ne a tlaa le tsaya. Mme yoo ne a nna Ishemaele, yo e neng ya nna mutlwa mo nameng, go tloga nakong eo go fitlheleng jaanong. O santse e le mutlwa mo nameng, gonne go tswa foo go ne ga tla Maarapo, mme bona ba tlhotse ba ntse ka tsela eo.

<sup>545</sup> Jaanong, nako epe e o dumologang Lefoko la Modimo le le sa khurumelwang ka sepe mme o itseela tsela nngwe e sele, go tlaa nna mutlwa mo nameng ya gago go tloga ka nako eo. O tseye

fela se Modimo a se buileng. Fa A Go buile, moo ke fela se A se kayang. Ao, a go segofatswe Leina la Gagwe! Tsaya fela Lefoko la Gagwe.

<sup>546</sup> Go sa kgathalesege gore ke eng se se lekang go tila, se re, “Sentle, Lone ka nnete ga lo reye Seo.” Lo raya fela se Lo se rayang, fa Modimo a dira tsholofetso.

<sup>547</sup> Jaanong fa re tlaa lemoga ka kelo tlhoko.

... *ditsholofetso ko go Aborahama le peo ya gagwe di ne tsa...*

E le nngwe e ne e le Peo, bongwe, mme e nngwe e ne e le ditsholofetso. Go na le tsholofetso e e fetang e le nngwe, gape le go feta motho a le mongwe yo o akareleditsweng mo Peong ya ga Aborahama. Lo a bona? Go na le Peo e le nngwe, fela batho ba le bansi ba Peo ena. Lo a bona? E ne e se fela Aborahama a le nosi, kgotsa ya ga Isaka a le esi. Fela pe... E ne e le ko Peong yotlhe ya ga Aborahama. Ditsholofetso di ne di diretswe peo nngwe le nngwe ka nosi ya Peo eo. Lo a go tlhaloganya? [Phuthego ya re, “Amen.”—Mor.]

<sup>548</sup> Ke gone ka moo, ka rona, re suleng mo go Keresete, go ya ka fa Dikwalong, re tsaya Peo ya ga Aborahama mme re bajaboswa go ya ka tsholofetso. E seng ka go ipataganya le kereke, kgotsa ka go bopa dikgannya tse di suleng, kgotsa—kgotsa jalo jalo. Fela ka go tsalwa ka Mowa wa ga Keresete, re Peo ya ga Aborahama, ebile re bajaboswa ga mmogo le Ena mo Bogosing.

<sup>549</sup> Fong re tswelela pele, go bala, foo, kwa pejana gannye fela jaanong, “Modimo a neng a dira maikano.” Jaanong temana ya bo 17 ya kgaolo ya bo 6.

*Ke gone ka fa e rileng Modimo, a neng a rata ka bontsintsi...*

... *Modimo, a neng a ratile go supegetsa ka botlalo thata bajaboswa ba tsholofetso go sa fetogeng ga kgakololo ya gagwe, ne a e tlhomamisa ka maikano:*

<sup>550</sup> Ao, a re ikhutseng metsotso e le mmalwa fela jaanong. “Modimo a neng a rata go feta.” E seng gore O ne a tshwanela go dira, fa e se go dira sena selo se se tlhomameng.

<sup>551</sup> Jaanong, re setse re fitlhetseng gore Modimo ne a fetoga a nna nama, a aga mo gare ga rona, ka fa e leng gore O ne a Iponatsha ko lefatsheng. Fa A ne a fitlhela mosadi a dira boaka, a neng a re, “Nna ga ke—ga ke go sekise. Tsamaya, o se tlhole o leofa.” Fa A ne a fitlhela ba ba lwalang, O ne a itshwara fela ka tsela e A neng a tlaa tshwanela go itshwara ka yone, gonne E ne e le Modimo, mme O—O ne a fodisa balwetsi. O ne a tsosa baswi. O ne a itshwarela maleo. Go sa kgathalesege ka fa ba neng ba ntse ka gone, le gore ke ba le kae, le ka fa ba neng ba kgelogile ka gone, O ne a ba itshwarela, le fa go ntse jalo, fa ba ne ba etleetsegile go tla mme ba kope.

<sup>552</sup> Jaanong lemogang. Fa Modimo a ne a tsaya kgato nakong epe e nngwe ka seemo se se rileng, mme fa seemo se se tshwanang seo se tlhagelela gape, O tshwanetse a tseye dikgato mo lobakeng la bobedi jaaka A dirile lekgetlo la ntlha kgotsa O siamologile. Lo a bona? Go sa kgathalesege ka fa o leng mo boleong mo go maswe ka gone, ka fa o ka bong o obegile ka gone, O tshwanetse a itshware jaaka A dirile mo mosading yole yo neng a kgelogile kgotsa O tsere kgato e e phoso ka nako ele. Maitsholo a Modimo ke Sebelebele sa Gagwe, mme se A leng sone mo boitshwarong jwa Gagwe se bontsha phatlalatsa Sebelebele sa Gagwe.

<sup>553</sup> Mme eo ke tsela e o leng ka yone, mo boitshwarong jwa gago jwa botshelo, go bolela se o leng sone. Jaaka re ne ra nna le yone mme ra e ralala, thuto e le nngwe kgotsa di le pedi tse di fetileng, batho ba Mamethodisti ba ne ba batla go bua phatalatsa, "Fa o thela loshalaba, o na le One." Mapentekoste ba re, "Fa o ne o bua ka diteme, o na le One." Motshikinyegi ne a re, "Fa o tshikinyega, o na le One," Batshikinyegi ba kwa Pennsylvania. Mme re fitlhela gore bona bottlhe ba fositse. Botshelo ja gago bo O bontsha phatlalatsa. Sebelebele sa gago se bontsha phatlalatsa se o leng sone. Motho o itsiwe ka ditiro tsa gagwe, le fa e le eng se botshelo jwa gago bo leng sone.

<sup>554</sup> Lo utlwile polelo ya bogologolo, "Botshelo jwa gago bo bua ka modumo o o kwa godimo thata, ga ke kgone go utlwa mafoko a gago." Jalo he le fa e le eng se o leng sone, o sone. Botshelo jo o bo tshelang bo supegetsa gore ke mohuta ofeng wa mowa o o leng mo go wena.

<sup>555</sup> Mme o ka nna wa tloga wa etsa selo se se phoso, kgotsa, o etse selo se se nepagetseng, mma ke bue. O ka nna wa etsa Mokeresete. Fela moo go tlaa, fa nako e ntse e tswelela pele, go tla nako fa kgatelelo e tlaa bewang foo, ka nako eo go tlaa supegetsa se o leng sone. Keetane e tible bogolo go feta kwa kgokaganong ya yone e e bokoa bogolo go feta.

<sup>556</sup> Motlhang Keresete Morwa Modimo a neng a lekwa, go ne ga supegetsa se A neng a le sone. Go tlhomame. Fa o lekiwa, go tlaa netefatsa se o leng sone. Botshelo jwa gago bo bontsha ka gale se se leng mo teng ga gago. Fa nako e ntse e tswelela pele, o tlhomame gore maleo a gago ga a go fitlhele. Mme seo ke se re lekang go se bua.

<sup>557</sup> Jesu ne a re, mo go Moitshepi Johane 5:24, "Ena yo o utlwang," eseng ena yo o tshikinyegang, ena yo o buang, ena yo o... "Ena yo o utlwang Lefoko la Me, mme a dumela Ene yo o Nthomileng, o na le Botshelo jo Bosakhutleng, mme ga a kitla a tla mo katthalong; fela o dule losong a tsena mo Botshelong."

<sup>558</sup> Ke tumelo ya gago. Mme tumelo ya gago, e ipoletswe ke dipounama tsa gago, e dira gore go bonatshege mo bathong ba ba kgonang go utlwa, fela botshelo jwa gago bo buligile mo matlhong a bottlhe. Jalo he, go sa kgathalesege ka fa o lekang

thata ka gona go diragatsa *sena* le go dira *sena*, ga go tle go dira. Go tshwanetse go nne mo go wena. Ke moko wa mmannete wa polelo yotlhe. Tumelo ya gago ka sebele mo go Keresete yo o tsogileng, e le Mmoloki wa gago; gore O kwa seatleng se se golo sa Modimo, a eme mo lefelong la gago mosong ono, jaaka o eme Mo lefelong la Gagwe fa tlase fano jaaka mopaki. Mopaki o tshwanetse a eme mo boemong jwa mongwe, a go emele e le mopaki. Le jaaka botshelo jwa gago bo bonatsha fano se bopaki jwa gago bo leng sone mo go Keresete, bo bonagala koo ebile bo bonagala fano. Mme O golo foo, jaaka se A leng sone mo boemong jwa gago, go bonala tsoopedi koo le fano. Jalo he wena o... Ka tumelo ya gago, o bolokilwe, mme eo e le esi. Jalo he, masisi, dikutlwalo, maikutlo, sengwe le sengwe, ga se na lefelo lepe gothelele mo go Gone. Jaanong, eseng...

<sup>559</sup> Jaanong, o se akanye se se phoso, gore ga ke dumele mo dikutlwalong tsena. Go tlhomame. Fela se re leng mo go sone jaanong, re lekang go katisa ka thuto batho bana ba letsatsing lena, ga se dikutlwalo. Diabolo o ne a tsaya dilo tseo mme a nna yo o sa laolesegeng mo bathong, a ba dira gore ba theye bogorogelo jwa bona jwa Bosakhutleng mo godimo ga kutlwalo. Go thela loshalaba, go bua ka diteme, go ya kerekeng Letsatsi lengwe le lengwe la Tshipi, go itshola jaaka Mokeresete, seo ga se tle go nna le tlhotlheletso e le nngwe kwa letsatsing leo. "Ntleng le fa motho a tsalwa sesa." Mme botshelo jwa gago bo bonagatsa se o leng sone ka mo teng, lo a bona, e seng dikutlwalo tsa gago.

<sup>560</sup> O kgona go nna le madi mo diatleng tsa gago, o ka bua ka diteme, o ka fodisa balwetsi, o ka sutisa dithaba ka tumelo ya gago, mme o santse o se sepe le mororo. Bakorinthe wa Ntlha 13. Lo a bona? Go tshwanetse e nne sengwe se se diragetseng ka Tsalo e e tswang kwa go Modimo, mme Modimo o tlisa Tsalo sesa ka mo go wena, a bo a go naya bontlhabongwe jwa Gagwe. Ka ntlha eo dilo tseo di nna gone. O setshedi se sesa. "Ke ba naya Bosakhutleng."

<sup>561</sup> Re ne ra ruta ka lefoko "Bosakhutleng." *Ka metlha* ke "lobaka lwa nako." *Bosakhutleng* ke ka metlha, ka metlha le ka metlha, fela go na le Bosakhutleng bo le bongwe fela. Mme re fitlhela gore o amogela Botshelo jo Bosakhutleng, mme lefoko ka Segerika ke Zoe, le le rayang "Botshelo jwa Modimo." Mme o amogela bonthhabongwe jwa Botshelo jwa Modimo, se se go dirang morwa Modimo wa semowa, mme wena o fela wa ka metlha fela jaaka Modimo e le wa ka metlha. Ga o na bokhutlo, lefelo lepe la go khutla, ka gore ga o ise o nne le lefelo la go simolola. Sengwe le sengwe se se nang le tshimologo se na le bokhutlo, mme seo se se senang tshimologo ga se na bokhutlo.

<sup>562</sup> Ka fa re ratang Lefoko leo le le ratiwang thata! Ka fa Mokeresete a tshwanetseng a tsepame mo Tumelong e gangwe e neng ya neelwa baitshepi, mme e seng a thetheekelala mo tikologong, lefelong go ya lefelong, mme a ipataganya le dikereke

tse di farologaneng. Kereke nngwe le nngwe e o batlang go nna leloko la yone e siame, fa fela o le Mokeresete. Fela santlha baya selo sa ntla, se e leng Tsalo eo e e go dirang gore o nne wa losika le Modimo, jaaka Modimo a ne a fetoga go nna wa losika le wena.

<sup>563</sup> O ne a fetoga go nna wa losika, gore A tle a kgone go go tsosa. Pele ga A ka kgona go go tsosa, O tshwanetse gore a go neye Botshelo jo Bosakhutleng. Ka ntla eo Modimo o ne a tshwanela go fetoga a nne wa losika, go tsaya loso, gore a go tsose. Fong o tshwanela go fetoga o nne wa losika mo go Ena, gore o ye mo tsogong. A lo bona se go leng sone? Ke kabakanyo fela. Modimo ne a fetoga a nna wena, gore o tle o fetoge o nne Modimo. Lo a bona? Modimo ne a fetoga a nna bontlhabongwe jwa gago, nama, gore ka letlhagonolo la Gagwe o tle o fetoge o nne bontlhabongwe jwa Gagwe, moo ke gotlhe, go nna le Botshelo jo Bosakhutleng.

<sup>564</sup> Fela setshwantsho se se ntle, mme, ao, re a se rata.

Jaanong, *Modimo, a neng a ratile ka bontsintsi jo bo fetang . . .*

<sup>565</sup> A ne a sa tshwanelwa gore a dire, fela O ne a etleetsegetse go dira. Nna ke itumelela seo thata jang, a lona ga lo dire, gore Modimo wa rona o etleetsegela go dira? Lebang. Go ka tweng fa Ena—go ka tweng fa A ka bo a ne a se yo o boiphapaanyo? Leungo la Mowa ke eng? Lorato, boitumelo, tumelo, kagiso, boiphapaanyo. Moo ke bontlhabongwe jwa Modimo jo bo leng ka mo go wena. Le go kgona go itshokelelana, re itshokelelana mekgweleo mongwe ya ba bangwe. Re itshwarelana, jaaka Modimo ka ntla ya ga Keresete a go itshwaretse. Mowa wa Modimo mo go wena o go dira ka tsela eo. Mme foo erile Modimo a ne a le fano mo lefatsheng mme a fetogile a nna wena, a fetogile a nna boleo, gore Ena a tseye boleo jwa gago, a bo go rwalela a ba a go duelela petso ya jone. Modimo o na le boiphapaanyo, o itshokela mekgweleo ya rona.

<sup>566</sup> Mme fong Ke Modimo yo o molemo. Fa o batla go dira, dilo tse di rileng ka tsela ya gago, lo a itse, Modimo o molemo mo go lekaneng go dira seo. O rata go—go go itumedisa. O batla go . . . Ke—Ke lorato, mme lorato la Gagwe le le golo le Mo pateletsa le gore a fologe ka nako nngwe, go go lettelelala gore o nne le dilo tse o di batlang.

<sup>567</sup> Bonang Thomase, morago ga tsogo. Thomase ne a sa batle go dumela. Ao, o na le bana ba le bantsi thata jang gompieno. Fela Thomase ne a re, “Nnyaya. Nnyaya. Ke tlaa tshwanela go nna le bosupinyana. Ke tlaa tshwanela go tsenya diatla tsa me mo letlhakoreng la Gagwe, le mo ga a Gagwe . . . menwana ya me fano mo godimo ga diatla tsa Gagwe, pele ga nka Go dumela. Nna, ga ke kgathale se lo se buang.” Lo a bona, o ne a tswetse kwa ntle ga tolamo ya Lokwalo, gone foo. Wena o tshwanetse o

Go dumele. Jalo he o ne a re, “Ke tshwanetse ke nne le mohuta mongwe wa bosupi, go Go netefatsa.”

<sup>568</sup> Mme Jesu ne a tlhagelela, Ena o molemo, “Tlaya, Thomase, fa seo e le se o se batlang, sentle, ke wena yo. O ka nna le jone.”

<sup>569</sup> Eo ke tsela e re leng ka yone. Re re, “Morena, ke tshwanetse ke bue ka diteme. Ke—ke tshwanetse ke thele loshalaba. Ke tshwanetse ke . . .”

<sup>570</sup> “Ao, tswela pele, Ke tlaa go lettelela o nne le gone.” Ena o molemo.

<sup>571</sup> Jalo he o ne a tsenya diatla tsa gagwe mo lethakoreng la Gagwe, ne a tloga a re, “Ao, ke Morena wa me le Modimo wa me.”

<sup>572</sup> O ne a re, “Jaanong, Thomase, o a dumela ka o bone. Fela go gontsi bogolo jang tuelo ya ba ba senang bosupi le ntswa ba Go dumela!” Ke lona bao. Foo ke fa re tshwanetseng go ya gone. “Tuelo ya bona e bogolo go feta ga kae ba ba sa bonang sepe fela le ntswa ba Go dumela.” Ke tiro ya tumelo, gore re Go amogelete.

<sup>573</sup> Jaanong, ke dumela gore ditshupo di latela badumedi, fela mpe re beyeng dilo tsa ntlha pele. O ka nna le ditshupo, kwa ntle ga Sena. Paulo ne a re o ka kgona. O ne a re, “Nka bua ka diteme jaaka boobabedi batho le Baengele; ga ke sepe. Nka sutisa dithaba ka tumelo ya me; ga ke sepe. Nka kgona go tlhaloganya Baebele, ka tsela e e leng gore nka itse masaitsiweng otlhe a Modimo; ga ke sepe.” Lo a bona, moo ke dineo tsa Mowa o o Boitshepo, ntle le Mowa o o Boitshepo.

<sup>574</sup> Mowa o o Boitshepo ke Modimo. Modimo ke lorato, boipelo, kagiso, boiphapaanyo, bonolo, bopelotolele. Oo ke Mowa wa Modimo. Ke se Modimo a se tsosang mo metlheng ya bofelo, ka Mowa oo.

<sup>575</sup> Jaanong, “A sa etleetsegeleng . . .”

. . . Modimo, a neng a etleetsegile thata gore ka bontsintsi a supegetse bajaboswa ba tsholofetso . . .

. . . Modimo, a etleetsegile thata . . . a supegetse . . . bajaboswa . . .

Babajoswa ke bomang? “Rona, ka re sule mo go Keresete, re nna Peo ya ga Aborahama, mme re bajaboswa.” Ao, a moo go kolobelela mo teng? Re bajaboswa ba Bogosi jwa Modimo, ka tsholofetso e e ikanetsweng. Modimo o ne a sa patalesege go ikana. Lefoko la Gagwe le itekanetse. Fela O ne a ikana, le gone, ka Sebele, gonne go ne go sena yo mogolo go feta.

<sup>576</sup> Jaaka re tswelela pele re bala, motsotsotso fela, reetsang.

. . . tsholofetso ya go sa fetogeng ga kgakololo ya gagwe, e tlhomamisitswe ka maikano:

<sup>577</sup> “Go sa fetogeng,” mo go sa fetogeng. Modimo ga a kgone go fetoga. O tshwanetse go tswelela a tshwana. Mme fa Modimo a fodisitse motho a le mongwe yo o lwalang, le ka motlha ope A

ka se kgone go fetola maitsholo a Gagwe. Modimo o itshwaretse moleofi a le mongwe, seaka se le sengwe, le ka motlha ope A ka se kgone go fetola maitsholo a Gagwe. Go sa fetogeng, go sa fetogeng ga Lefoko la Modimo. Modimo ne a bua, mo lefoleng lengwe a re, “Ke nna Morena Yo o fodisang malwetsi otlhe a lona.” O tshwanetse a nne le Lone, gonne Ena ke yo o senang bolekanngo. O itsile go filtlha bokhutlong go tloga tshimologong.

<sup>578</sup> Jaanong, ke kgona go re, “Ke tlaa dira *sena*.” Mme Baebele e rile, re tshwanetse re bueng re re, “Fa Morena a ratile.” Ka gore, nna ke yo o swang. Ga ke itse. Dinako dingwe ke a tshwanela gore ke buse lefoko la me, fela Modimo a ka se kgone go busa la Gagwe. Ena ke Modimo.

<sup>579</sup> Mme O kopile fela selo se le sengwe, “Fa o ka dumela.” Ijoo! “Fa o ka dumela, dilo tsotlhedi a kgonega.” “Fa o ka dumela,” ke gotlhedi. “Wena, fa o ka kgona,” potso ke eo. Fela e seng gore potso e mo Lefokong la Modimo, ka ntla ya, go sa fetogeng ga Gagwe, A ka se fetoge. Ka fa go gakgamatsang ka gone!

<sup>580</sup> Jaanong reetsang, jaaka re tswelela kwa tlase re bala.

*Gore ka dilo di le pedi tse di sa kgonegeng go fetoga, mo go tse go sa kgonegeng gore Modimo a ake, . . .*

Ga go kgonege! Go sa kgonegeng le go sa fetogeng ka tsela e e bonagalang ke lefoko le le tshwanang; go ka se fetoge, go ka se sute. Go tshwanetse go nne go tshwana ka metlha. Go ka se ka ga fetolwa, go sa fetogeng le go sa kgonegeng.

*Mme di le pedi, ka dilo di le pedi tse di sa kgonegeng go fetoga, mo go tse go neng go sa kgonege gore Modimo a ake, . . .*

“Re na le dilo di le pedi?” Ee. Sa ntla, Lefoko la Gagwe le rile O tlaa go dira. Sa bobedi e ne e le maikano a Gagwe a a ikannweng ka ga gone, O tlaa go dira. Ijoo!

<sup>581</sup> Ke mohuta ofeng wa batho ba re tshwanetseng re nne bone? Gobaneng re tshwanetse re phailaphailelwé mo tikologong mme re sianeng mo tikologong, mme re tsaya dilo tsa lefatshé mme re itshwere jaaka Bokeresete jona jwa 1957 jo bo rethefaditsweng? Re batla go nna jaaka mohuta wa bogologolo o o amogelang Modimo go ya ka Lefoko la Gagwe, mme o bitsa dilo tseo tse di neng di seyo, jaaka okare di ne di le teng. “Fa Modimo a buile jalo, Moo go a tsepamisa.”

<sup>582</sup> Aborahama, yo a neng a neelwa tsholofetso, ko go ena le Peo ya gagwe, o ne a bitsa dilo tse di neng di seyo, jaaka okare di ne di le teng. Gonno, E ne e le tsholofetso ya Modimo, a neng a itse gore Modimo o ne a ka se kgone go aka. O ne a mo soloeditse seo, mme o ne a E dumetse. Mme jaaka dinyaga di ne di feta, mme tsholofetso e ne e bonagala ekete e ya pejana kwa kgakala, mo leitlhong la senama, E ne ya nna gaufi go feta mo go Aborahama.

<sup>583</sup> Mo boemong jwa go nna bokoa, mme a re, “Sentle, gongwe ga go na selo se se jaaka phodiso ya Selegodimo. Gongwe nna fela ke ile go ya . . . Gongwe ga go na selo se se jaana. Gongwe ke nnile ke le phoso mo megopolong yotlhe ya me.” Fong, moo go ne go supegetsa selo se le sengwe, gore o ne o sa tsalwa seša. “Gonne go a . . .”

<sup>584</sup> Re ne ra go wetsa Letsatsi la Tshipi le le fetileng, fela pejana gannye kwa morago mo kgaolong. “Gonne go a pala gore motho yo gangwe a neng a lekeletsat dineo tsa Selegodimo le dilo, go kgeloga, gore a intšhwafaletse gape kwa boikwathlaong.” Go sena pelaelo epe, go pala ka mo go feleletseng!

Gonne ena yo o *tsetsweng ke Modimo ga* a dire ebile a ka se kgone go *dira boleo; gonne peo ya Modimo e ntse mo go ena: mme a ka se kgone go leofa, . . .*

Peo ya Modimo ke Lefoko la Modimo. “Tumelo e tla ka go utlwa, go utlwa Lefoko, ‘Setlhabelo se ne sa dirwa. Go fedile.’”

<sup>585</sup> Jaanong, fa o dira phoso, Modimo o tlaa go dira o go duelele. Fela fa o dira, o le phoso, ga o go dire ka bomo. Kgaolo ya bo 10, temana ya bo 47, ke a dumela, “Gonne fa re leofa ka bomo morago ga re sena go amogelatse ya Boammaaruri.” Fela morago ga wena o sena go Tsalwa, o na le Boammaaruri; e seng kitsyo ya Jone, fela o amogetse Boammaaruri mme Bo fetogile jwa nna bonnate. Mme wena o ngwana wa Modimo, mo nakong le Bosakhutleng. Modimo ne a ikana gore O tlaa go dira.

<sup>586</sup> Jesu ne a re, “Ena yo o utlwang Mafoko a Me, mme a dumela Ene yo o Nthomileng, o na le Botshelo jo bosafeleng, mme Ke tlaa mo tsosa ko motlheng wa bofelo. Le ka motlha ope a ka se tle ko Katlhelong. O dule mo losong a tsena mo Botshelong.” Jaanong ka maikano a a jalo, “Modimo a rata gore re tshwanetse re Bo amogele.”

<sup>587</sup> Jaanong ela tlhoko se a se buang fano, Paulo a bua le ke—kereke.

*. . . go a pala gore Modimo a ake, re tshwanetse re nne le nametsego e e nonofileng, . . .*

E seng, “Sentle, fa Mabaptisti ba sa ntshware sentle, ke tlaa ya kwa Mamethodisting.” Lo a bona?

*. . . re tshwanetse re nne le nametsego e e nonofileng, ba re sietseng kwa botshabelong go tsaya tsholofelo e e beilweng fa pele ga rona:*

<sup>588</sup> Jaanong mo go balweng ga ya bofelo.

*Tsholofelo e e leng gore re na nayo jaaka seitsetsepsetso sa mowa wa botho, . . .*

*Tsholofelo, maikano a a ikannweng a Modimo, re na nayo jaaka seitsetsepsetso sa mowa wa botho, go le*

*gabedi mo go tlhomameng le mo go tsepameng, ebole e  
le e e tsenang ka mo go seo se se leng mo teng ga lesire;*

<sup>589</sup> A mpe re bueng motsotsa fela ka ga “lesire.” Ga re a ka ra e tlhaloganya mo go siameng thata bosigo jwa Letsatsi la Tshipi le le fetileng.

<sup>590</sup> “Mo teng ga lesire.” Lesire ke nama. Lesire ke se se re kganelang gore re bone Modimo, difatlhego di lebane, mo kerekeng ena. Lesire ke se se re kganelang gore re bone Baengele mo mannong a bone mosong ono, ba eme go bapa le ditilo. Lesire ke se se re kganelang gore re Mmone. Re fitlhilwe fa morago ga lesire, mme lesire leo ke nama. Re barwa le barwadia Modimo, re mo Bolengtengeng jwa Modimo, “Baengele ba Modimo ba thiheletse go dikologa bao ba ba Mmoifang.” Re mo Bolengtengeng jwa Modimo, nako yotlhe. “Ga Nkitla ke go tlogela, ebole ga Nkitla ke go lattha. Ke tlaa tlhola ke na le wena, le e leng go ya bokhutlong.” Fela lesire ke nama, seo ke se se re kganelelang kwa ntle ga Bolengteng jwa Gagwe. Fela ka mowa wa botho, Mowa, ka tumelo ya rona re itse gore O re tlhokometse. O eme go bapa le rona. O fano jaanong.

<sup>591</sup> Golo kwa Dothane, mosong mongwe, moporofeti yo o godileng o ne dikaganyeditswe ke masole mme mothlanka wa gagwe ne a tswela ntle a bo a re, “Ao rra, lefatshe lotlhe le dikaganyeditswe ke batswakwa.”

<sup>592</sup> Mme Elia ne a nanoga, a bo a re, “Goreng, morwa, go na le ba le bantsi le rona go na le ba ba nang le bone.”

<sup>593</sup> Sentle, o ne a bonyabonya matlho a gagwe a bo a leba fa tikologong. O ne a sa kgone go bona sepe.

<sup>594</sup> O ne a re, “Modimo, ke tlaa kopa gore O bule matlho a gagwe, tlosa lesire.” Mme erile lesire le tlositswe mo godimo ga matlho a gagwe, go dikologa moporofeti yo o godileng yoo e ne e le dikaraki tsa molelo, dithaba di ne di tuka Molelo ka Baengele le dikaraki. Lona lo bao.

<sup>595</sup> Ao, foo Gehasi ne a re kgona go re, “Ke—ke a tlhaloganya jaanong.” Lo a bona, lesire le ne la tloga. Foo ke kwa sekgori se leng gone.

<sup>596</sup> Gone ke mona. Go tshwareleleng lo tiisitse. Lesire ke se se re kganelang go tshela ka tsela e re tshwanetseng go dira ka gone. Lesire ke se se re kganelang go dira dilo tse re batlang go di dira ka mmannete. Mme Modimo ne a fetoga a sirega mo nameng, mme lesire le ne la kgagolwa go nna gabedi. Mme Modimo ne a fetoga a nna Modimo gape, mme O ne a tlhatlosa lesire le A neng a Iphitlhile mo go lone. Moo ke tsogo ya ga Morena Jesu. A re netefaletsa gore, mo lesireng lena le re fithegileng mo go lone jaanong, ka tumelo re a Go dumela ebole re a Go amogela. Mme fa lesire *le* le kgagotswe go nna gabedi, ke tlaa tsena ko Bolengtengeng jwa Gagwe ka tshepiso ena, ke itseng gore, “Ke Mo itse mo thateng ya tsogo ya Gagwe.” Kwa go Tleng

ga Morena Jesu, lesire le le tlaa tlhatlosiwa gape, ka tsela e e itekaneditsweng, go fitlhela ke tlaa tsamaya le go bua le Ena e le Mmoloki wa me le Modimo wa me, nako e A tsayang terone ya ga Dafita. Mme re tlaa tshelela ruri mo lesireng lena morago ga le sena go itekanediswa, fela lesire le le na le boleo mo go lone. Ga go kgathalesege gore jang . . . O seka wa ba wa akanya ka ga mmele oo o o galaleditsweng mo lefatsheng le. O tshwanetse o swe, go tshwana le jaaka mowa wa gago wa botho o tshwanetse go swa, gore o tsalwe seša.

<sup>597</sup> Mo boitekanelong, e seng go ja dinama, le go dira *se*, le go itekanedisa mmele, ga o kitla o nna le gone. Mme o tshwanetse o tlogele *se*, o bo o dire *se*, o bo o dire *se*, o bo o dire *se*, moo ke molao. Moo ke batshegetsi ba molao. Ga re dumele mo dipopegong tsa semolao tsa poloko. Re a Go dumela gore ka letlhogonolo re bolokilwe. Mme ga se wena. Ga o na sepe se se dirisanang le gone. Ke tlhopho ya Modimo e e go dirang. "Ga go motho yo o ka tllang ko go Nna ntleng le ga Rara a mo goga." Go jalo. Mme Ena . . . Gotlhe mo Jesu a neng a tla go go dira e ne e le go tsaya bana ba Rara a ba itsileng pele; mme a ba tlhomamiseditse pele pele ga motheo wa lefatshe gore ba fetoge go nna bomorwa le barwadi ba Modimo. Amen. "E seng ena yo o sianang, kgotsa ena yo o ratang, fela Modimo yo o supegetsang boutlwelo botlhoko." Modimo yo o go dirang. O ka se kgone go belafala, gotlhelele. Ga go sepe se o se dirileng. Modimo, ka letlhogonolo, ne a go boloka; e seng wena, ka bowena. Fa o dira, o na le sengwe se o ka belafalang ka ga sone. Fela ga o na sepe go belafala. Dithoriso tsotlhe di ya kwa go Ena. Ke Ena. Ka ntlha eo O go naya tsholofelo e e tlhomameng, "Ne a ikana ka maikano, go sa kgonegeng ga gore bana ba Gagwe le ka nako epe ba timele."

<sup>598</sup> Jaanong, bona ba bona go kgopholowa fa ba dira se se phoso. O roba se o se jwalang. Lo tlhaloganya seo. O se akanye jaanong gore o tswela ntle fela o bo o leofa, o bo o falola ka seo. Fa o dira, mme o na le phekamo eo ya mogopoloo, go supegetsang gore ga o ise o ko o tsalwe seša. Lo a go tlhaloganya? Fa o santse o na le keletso mo go wena, go dira phosego, fong o santse o le phoso. Lo a bona? "Gonne O itekanedisitse, ka bosafeleng, bao ba ba . . . Mme diphologolo tseo fa tlase ga Kgolagano e Kgologolo, fa tlase ga methla ya melao, tse di neng di isiwa ngwaga le ngwaga, go tswelela, di ne di sa kgone le ka motlha ope go tlosa boleo." Fela fa re baya diatla tsa rona mo tlhogong ya Gagwe, mme re ipobola maleo a rona ebile re tsalwa seša ke Mowa wa Modimo, ga re sa tlhola re na le keletso ya go leofa. Boleo bo dule mo go wena. Moo ke sebakeng sa nako le Bosakhutleng.

<sup>599</sup> O tlaa dira diphoso. O tlaa wa. O tlaa dira phoso ka bomo. O tlaa tswa dinako dingwe mme o dire dilo. Moo ga go reye gore o timetse. Moo go raya gore o ile go gakololwa.

<sup>600</sup> Mosimanyana wa me, makgetlo a le mantsi, bana ba me, ba tlaa dira dilo. Ba gago ba a dira, le bona. Tse wena . . . Ba itse

gore moo go kgatlhanong le ya gago—melao ya gago. Mme ba itse gore ba tshwanetse ba solofele eng fa ba go dira. Ba ile go kgophololwa, nakonngwe nngwe e e siameng. Fela e santse e le ngwana wa gago. Go tlhomame.

<sup>601</sup> Ga go kgonege gore motho yoo le ka nako epe a timele gape, yo nakonngwe a neng a tsalelwa mo Botshelong jo Bosakhutleng. Modimo ga se moabi wa Mointia. “Ena yo o utlwang Mafoko a Me, mme a dumela Ene yo o Nthomileng, o na le Botshelo jo bosafeleng; mme ga a kitla a tla ko Katlhelong, fela o dule mo losong a tsena ka mo Botshelong. Ke tlaa mo tsosa kwa metlheng ya bofelo.” Moo ke tsholofetsa ya Modimo.

<sup>602</sup> Jaanong fa o tswelela pele, o re, “Ao, sentle, ka ntlha eo nka kgona go dira fela . . .” Ke tlhola ke dira se ke batlang go se dira. Fela fa o le Mokeresete, ga o batle go dira selo se se phoso, ka gore jone Botshelo jo bo leng mo go wena, one motheo. Fa o batla go dira phoso, go supegetsa gore selo se se phoso se teng *fano*. “Metsi a galakang le a a botshe a ka tswa mo motswedding o o tshwanang jang?”

<sup>603</sup> Jalo he wena o nnile o tlhakatlhakane gotlhelele mo mohuteng mongwe wa dikutlwalo, kgotsa masisi *mangwe-a-sele* a a gakgamatsang: Go lebale! Boela ko aletareng o bo o re, “Modimo, tlosetsa kwa kgakala botshelo jwa me jwa kgale jo bo boleo, mme o ntsenye mo seemong se se jaaka se e leng gore keletso ya me yotlhe . . .”

“Ena yo o tsetsweng ke Modimo ga a leofe.” Go jalo. Ga a na keletso epe ya go dira jalo.

<sup>604</sup> Go tlhomame, diabolo o tlaa mo raela *fano* le *foo*, fela e seng a dira ka bomo. Baebele ne ya rialo. Diabolo o tlaa mo raela, motlhaope. Go tlhomame, o tlaa dira. O lekile go latlhelela Morena Jesu wa rona dirai. O dirile ko go Moshe, mme a mo tshwara. O dirile ko go Petoro, mme a mo tshwara. O dirile ko go ba le bantsi, fela . . . Petoro ebile o ne a Mo itatola, fela ka ntlha eo o ne a tsamaya a bo a lela mo go tlhomodisang pelo. Go ne go na le Sengwe mo go ena.

<sup>605</sup> Fa lephoi le ne le ntshetswa kwa ntle ga areka . . . Legakabe le ne la tswela ntle, le ne la lela mo tikologong. Le ne le le ka mo arekeng sentle, fela erile le ne le tswela ntle, tlholego ya lone e ne e farologane. O ne a kgona go ja ditoto tsotlhe tsa kgale tse di suleng tse a neng a batla go di ja, mme a kgotsofale. Goreng? E ne e le legakabe, le go tloga tshimologong. E ne e le majadibodu. E ne e le yo o senang molemo ope. E ne e le moitimokanyi yo neng a ntse mo sentlhageng le lephoi, a le mogolo fela jaaka lephoi le ne le ntse ka gone. O ne a kgona go fofela gongwe le gongwe kwa lephoi le neng le kgona go fofela gone. Fela o ne a kgona go ja dijo tse di siameng fela jaaka lephoi le ne le ja. Mme fong o ne a kgona go ja dijo tse di bodileng, tse lephoi le neng le sa kgone go di ja. Gonne, lephoi ke yo o tswakantsweng ka mo go

farologaneng. Lone ke popego e e farologaneng. Ene ke lephoi. Mme lephoi ga le kgone go sila dijo tse di bodileng, ka gore ga le na satlhokwe epe.

<sup>606</sup> Mme motho yo o tsetsweng ke Mowa wa Modimo o fetoga go nna lephoi la Modimo, tlholego ya gagwe, phetogo ya gagwe, popego ya gagwe. Ee, rra. O tsenye mowa wa le—wa lephoi mo legakabeng, lone le ka motlha ope le ka se nne mo setotong se se suleng. Fa a fologetse ka phoso, go tlhomame gore o tlaa tloga ka bonako. Le ka se kgone go go itshokela. Mme motho yo o tsetsweng ke Mowa wa Modimo, ga a go itshokele. A ka nna a goroga kwa bareng nakonngwe, fela o tlaa tswa golo foo ka bonako. Mosadi a ka nna a mo okela, a mo dire gore a retologe, fela ena o tlaa retolosa tlhogo ya gagwe gape. O tlaa tloga foo ka bonako. Goreng? Ena ke lephoi. Go jalo. Ga o na go mo dira seeleele, ka gore ena o a itse. “Dinku tsa Me di itse Lentswe la Me, mme moeng ga di na go mo latela.” Ena ke lephoi, go tloga tshimologong. Se ke buang ka ga sone ke seo, selo sa popota se se itsetsepetsang mo teng moo.

<sup>607</sup> Ela tlhoko thata jaanong. “Modimo ne a ikana.” Ao, yone . . .

*Tsholofelo e e leng gore re nayo e le jaaka seitsetsepetsa sa mowa wa botho, tsoopedi . . . tsepame, ebole e e tseneng ka mo go—ka mo go seo se e leng lesire;*

<sup>608</sup> “Lesire.” Modimo ne a fologa, a siregile mo nameng. Go dira eng? Go Iponatsa. O ne a tshwanela go iphitlha, ka gore re ne re ka se kgone go Mmona. Mme O ne a iphitlha fa mo morago ga lesire. Mme lesire e ne e le Mang? Jesu. “Ga se Nna yo o dirang ditiro, Rrê,” ne ga bua Jesu. “Rrê o agile mo go Nna. Ke a dira. Rara o a dira, mme Nna ke direla seo.” Fa O jaaka Yo o sirlweng, a tsamaya ka nama, Modimo, Emanuele, Modimo a na le rona. “Modimo o ne a le mo go Keresete, a Itetylanyetsa lefatshe.” Ena ke yona, a tsamaya tsamaya.

<sup>609</sup> Jaanong, O ne a fologa a bo a dira boitshepiso, kgotsa tlamelo, kgotsa thuanyo, e ka loso lwa Gagwe e neng ya needa, ya duela tlhwatlhwya boleo, gore A tle a boe mme a age mo go rona. Ka ntlha eo tumelo e re nang nayo ke tu—ke tumelo e e fitlhegileng, kgotsa motho yo o fitlhegileng. Ke gone ka moo re sa lebeng ko dilong tse re di bonang mo lesireng lena. Lesire le na le dithuto, ebole le dira dilo gape le bua dilo. Ke selo sa boranyane. Fela Mowa wa Modimo yo o tshelang o o agileng mo teng mo, o bitsa dilo tseo tse di neng di seyo, jaaka okare di ne di le teng, fa Modimo a buile jalo. Go sirega ga lona ke moo. Re mo lesireng.

<sup>610</sup> Jaanong, letsatsi lengwe O tlaa tlthatlosetsa lesire leno kwa godimo, re sa tsalwa ke mosadi ka keletso ya tlhakanelo dikobo ya monna le mosadi, fela ka thato ya Modimo O tlaa bua mme mosadi o tlaa tla a nne teng. [Mokaulengwe Branham o thwantshitse menwana ya gagwe—Mor.]. Ka ntlha eo re tlaa nna

le mmele jaaka mmele o e Leng wa Gagwe o o galalelang. Re tlaa bo re siregile, jalo he re ka kgona go buisana, ra dumedisana ka diatla.

<sup>611</sup> Jaanong, fa re tloga go tswa fano, go na le motlaagana, mmele wa selegodimo, setshwano fela sa motho, yo o sa jeng, o sa nweng, o sa robaleng, o thantse ka metlha. Koo ke kwa re yang gone. Fela ba letile fa tlase ga Aletare, ba goa, “Morena, go le go leele go le kae? Go le go leele go le kae?” go boela faatshe. Ka gore, ba batla go dumedisana ka diatla. Ba batla go dula faatshe ba bo ba ja, ba bo ba buisana. Bona ke batho ba nama. A go segofatswe Leina la Morena!

<sup>612</sup> Erike Modimo a ne a dira motho ka setshwano se e Leng sa Gagwe kwa tshimologong, O ne a mo dira jalo. O ne a abalana e le mongwe le yo mongwe, ka gore re a itsane. Re rata dilo tse Modimo a re dirileng tsone, ka gore re ne ra dirwa jalo. Mo go Tleng ga Gagwe mo go golo, bao ba ba itlhawatlhaeditseng ba tlaa nna jalo ka metlha. Re sa swe, re tlaa ema mo setshwanong sa Gagwe. Ao a go segofatswe Leina leo la ga Keresete!

<sup>613</sup> Mme jaanong re na le sebeelolo sa poloko ya rona, jaaka re Mo amogela e le Mmoloki wa sebele sa rona, e le Mofodisi wa rona. Tsena tsotlhe ke dituelo, kgotsa, merokotso e e duelwang ka ntlha ya tumalano ya rona ya inshorence. Amen. Lo itse se tumalano ya inshorencse e leng sone. O kgona go tsaya merokotso mo go yone go fitlhela nomore ya bontsi jwa madi a a itsegeng e fitlhelelwa. Go tlhomame. O kgona go tsaya merokotso. Mme re tsaya merokotso jaanong. Selo, se le nosi, ka bonako fa re tsaya merokotso, tuelo e tshwanetswe e okediwe gape.

<sup>614</sup> Moemedi wa tsa diinshorencse, nako nngwe, ne a mpolelela a re, “Billy, ke tlaa rata go go rekisetsa inshorencse.”

Ke ne ka re, “Ke na le dingwe.” Mosadi wa me ne a retologa a nteba.

<sup>615</sup> Jaanong, ga go sepe kgatlhanong le inshorencse. Fela batho bangwe ba “humanegisitswe ke inshorese.” Jalo he, ba ne ba retologa. O ne a re . . .

<sup>616</sup> Mosadi wa me ne a nteba, ka fa go sa tlwaelegang, “O na le inshorencse?”

<sup>617</sup> Ke ne ka re, “Go tlhomame.” O ne a sa itse sepe ka ga yone.

<sup>618</sup> O ne a re, “Sentle, Billy, ke mohuta ofeng wa inshorencse o o nang le one?”

<sup>619</sup> Ke ne ka re:

Tshepiso e e segofetseng, Jesu ke wame!  
 Ao, a tekeletso pele ya kgalalelo ya Selegodimo!  
 Mojaboswa wa poloko, ke rekilwe ke Modimo,  
 Ke tsetswe ke Mowa wa Gagwe, ke tlhapile mo  
 Mading a Gagwe.

620 O ne a re, "Moo go siame thata, Billy," o ne a re, "fela ga go tle go go tsenya fano mo lebitleng."

621 Ke ne ka re, "Fela E tlaa nkentsha. Seo ke selo sa konokono." Ga ke a tshwenyega ka ga go ya koo; ke tshwenyegile ka ga go tswa.

622 Mme esale ke na le tshepiso, ka Modimo wa Bosakhutleng yo o ikanneng, gore O tlaa ntsosa gape mo setshwanong sa Morwae, mo motlheng wa bofelo, ke tlaa tsamaya ka bopelokgale mme ke nne le kgomotso le seitsetsepetsa sa mowa wa botho, gore, fa ke santse ke le mo lesireng lena go na le Sengwe se se sa bonagaleng se se ntsetsepeditse mo Lefikeng la metlha ka kwa. Motlheng metsi a tlolang ebole a thuthuntshang, ga go dire pharologanyo epe. Fa loso, diphatsa, kgotsa sepe, se sa re aroganye go tloga mo loratong lwa Modimo. Seitsetsepetsa sa me se tshwareletse mo teng ga lesire. Letla merwalela e tlhatloge. E letle a itaaganye. Letlang badumologi ba tle. Modumedi yo o tsetsweng seša o na le seitsetsepetsa. Ga o kgone go bona go feta mo gare ga lesire lena ka nako e. Fela ke a itse gore seitsetsepetsa sa me se tshwareletse ka kwale mo Lefikeng la metlha. Yo e leng tsholofetsa e ikannweng gore O tlaa ntsosa kwa motlheng wa bofelo.

623 Ga e kgane o kgona go leba loso mo sefatlhegong, mme o re, "Lebolela la gago le kae? Lebitla, phenyo ya gago e kae? Fela malebogo a nne go Modimo yo A re nayang phenyo ka Morena wa rona Jesu Keresete."

*Kwa e leng gore moeteledipele . . .*

Ijoo! Ga re na go goroga ko thutong.

*Kwa e leng gore moeteledipele . . . wa rona*

624 Moeteledipele. A o kile wa lemoga, ka malatsi a bogologolo a kwa bophirima (Makgetlo a le mantsi ke ne ka tsamaya ke kgabaganya mo godimo ga metlhala ya bogologolo.), moeteledipele, kgotsa lesupatsela? Fa motseletsele wa dikgothokgotho o ne o nyelela, ka ntlha ya metsi, lesupatsela le ne le sianela kwa pele. Mme o ne a bona merafe ya Manintia; o ne a e tila. Mme o ne a bona kwa go neng go na le motswedi wa metsi. O ne a tabogela morago go bolelela mookami wa motseletsele wa dikgothokgotho, "Dirang dipitse di itlhaganele, mongwe le mongwe a nne le bopelokgale, gonnie fela ka kwale ga thaba go na le motswedi o mogolo wa metsi." Ke moeteledipele.

625 Mme fano, Moeteledipele. Motho a kile a ne a gateletswe faatshe ke diabolo, fa tlase ga marumo a a bofelo, fela Mongwe ne a bolaya sentlhaga sa tlhobolo ya kgotlha more o itirise. Yoo e ne e le Jesu. Moeteledipele o ile kwa pele ga rona. Mme Satane a neng a eme foo ka tlhobolo ya kgotlha more o itirise, e neng e re pinyeleditswe faatshe, re le mo bokgobeng ka nako tsotlhe ebole re boifa loso. O ne a lebeletse Motswedi oo. Go tlhomame, o ne a dira. O ne a neilwe thomo, ka gonnie re ne re leofile ebole

re kobetswe kgakala le One. Fela Moeteledipele, Keresete, ne a tsena a bo a bolaya sentlhaga.

<sup>626</sup> Lo utlwile pina ele ya bogologolo, "Sireletsa kago e e sireleditsweng, gonne Ke a tla"? Sireletsa kago e e sireleditsweng, ga go sepe; a re e tseyeng. Ga re sa tlhola re batla go e femela. Keresete o tsere kago e e sireleditsweng. Haleluya! Mojako o bulegile. "Go na le Motswedi o o bulegileng mo ntlong ya Modimo, mo motseng wa ga Dafita, gore go tle go ntlafadiwe, gore go nne go ntlafadiwa ga ba ba itshekologileng." Moeteledipele wa rona o setse a tsene ka ntlha ya rona.

<sup>627</sup> Moeteledipele, O a re bolelela, "Go na le lefelo fela ka kwale, ka kwale, kwa o se kitlang o tsofala gone." Kwa go sa tleng go nna le matsutsuba, kwa o ka se keng wa rata go dirisa tsa boora Max Factor gore di go dire gore o lebege o le montle ko monneng wa gago. Moeteledipele o ile. Ga go ise go ke go nne le lefelo kwa o tsofalang ebile o lapisega o bo o roroma. Go na le lefelo kwa le ka motlha ope o ka se lwaleng gone. Kwa lesea le sa tleng go bolawa ke mala gone. Kwa le ka motlha ope o ka se ntsheng le le seng lone, kgotsa, leino, gore o reke le e seng la kwa tshimologong. Haleluya! A Leina la Gagwe le segofatswe! O tsene mo teng, mme re tlaa ema re le ba ba sa sweng mo setshwanong sa Gagwe, letsatsi lengwe ka kwale. Ba tlaa phatsima go phala dinaledi le letsatsi. Go tlhomame. Moeteledipele o ile kwa pele ga rona.

*...moeteledipele o ile..., o tsene ka ntlha ya rona, e bong Jesu, a dirilweng moperesiti yo mogolo ka metlha go ya ka fa setshwanong sa ga Melegisetek.*

<sup>628</sup> Moeteledipele yo mogolo yona o ile kwa pele ga rona, a dira tsela. O ne a fetoga a nna teng go tswa mo Moweng, metswedi e metona ya motshe wa godimo wa Modimo, Yo neng a sena tshimologo epe kgotsa bokhutlo bope. E ne e le, ka metlha, Modimo.

Lerang lena la Lesedi le ne la tswela kong. E ne e le lerang la lorato, leo ke lone la konokono, le le hubidu. Mmala o o tlhatlhamang o a latela, o e neng e le botala jwa loapi; botala jwa loapi, bonnete. O o tlhatlhamang, mo go neng ga latela morago ga oo e ne e le mebala e mengwe, go ralala mebala e e supang e e itekanetseng, e e leng Mewa e e supang ya Modimo, e e neng e ya tswa kwa Motsweding o motona kgotsa Taemaneng e tona eo e Jesu a buileng ka ga yone. Taemanane e tona eo e ne ya ketlolwa, go bontsha mebala. Modimo ne a dirwa nama a bo a nna mo gare ga rona, gore A tle a bonagatse molemo le boutlwelo botlhoko jwa Gagwe mo gare ga rona, ka dineo le ditshupo le dikgakgamatso.

Motshe wa godimo otlhe o mogolo oo o ne wa fetoga wa nna mmele wa selegodimo, o o neng o dirilwe mo setshwantshong sa motho. Le fa go le jalo, E ne e se motho; O ne o sena nama, ka nako eo. O ne a le mmele wa selegodimo.

<sup>629</sup> Moshe ne a re, “Ke tlaa rata go Go bona.” Modimo ne a mo fitlha mo lefikeng.

<sup>630</sup> Mme erile A tla a feta, O ne a retolosa mokwatla wa Gagwe. Moshe ne a re, “O ne o lebega jaaka mokwatla wa motho.”

<sup>631</sup> Fong ke eng se se neng sa diragala? Letsatsi lengwe kwa tlase koo, nako e Aborahama a neng a dutse mo tanteng ya gagwe. Re tlaa goroga kwa go yone, bosigong jono. Nako e Aborahama a neng a dutse mo tanteng ya gagwe, Modimo ne a tla kwa go ena, mo mmeleleng wa nama.

“Ao,” wa re, “Mokaulengwe Branham, o ne a le . . . . .”

<sup>632</sup> Re tlaa Mo fitlhela gone fano a kopana le Aborahama pele ga moo, ka mokgweng wa ga Melegiseteke, mmele wa nama, o e neng e le Modimo. Go tlhomame, o ne o le jalo. E ne e le Modimo mo nameng.

<sup>633</sup> Wa re, “Fong, Mokaulengwe Branham, gobaneng A ne a tshwanela gore a boe mme a tsalwe?”

<sup>634</sup> O ne a sa tsalwa ka nako eo. O ne fela a tlhodilwe, mmele o A neng a agile mo go one. Melegiseteke ne e le Kgosi ya Salema, yo e leng Kgosi ya Jerusalema, yo e leng Kgosi ya kagiso; yo neng a sena a kana rra a kana mma, tshimologo ya malatsi kgotsa bokhutlo jwa botshelo.

Jesu ne a na le boobabedi rra le mma, le tshimologo ya malatsi le bokhutlo jwa botshelo. Fela O ne a dirilwe “ka fa mokgweng” wa ga Melegiseteke, yo neng a sena tshimologo ya malatsi kgotsa bokhutlo jwa botshelo.

<sup>635</sup> Melegiseteke e ne e le Modimo ka Sebele. Melegiseteke ne e le Jehofa Modimo, ena Yo o o tshwanang yo neng a kopana le Aborahama, dingwaga morago, ko pele ga tante ya gagwe. Ne a hularetse ka mokwatla wa Gagwe; O ne a re, “Gobaneng Sara a tshegile?” Go jalo. E ne e le Ena yo neng a eme foo, a lebile ka kwale ko ntheng ya Sotoma. Aborahama ne a Mo lemoga, ka gore mo teng ga lesire la gagwe go ne go na le seitsetsepetsos se tshwere tsholofetsos eo. E seng ka ntla ya gore o ne a nna le masisinyana a a rileng, fela gore Modimo ne a mo diretse tsholofetsos. Mme erile a ne a tla mo kgolaganong le makenete o motona oo, o ne itse gore O ne o le mo nameng eo.

<sup>636</sup> Ne a tswela ntle a tsamaya le Aborahama, kwa ntle koo mo gonyennyane. O ne a bolelala Aborahama. Ne a re, “Ka lebaka la seo, a Ke tlaa fitlhela Aborahama dilo tsena, ka go bonala gore o tla nna mojaboswa wa lefatshe? Nna fela ga ke na go go dira.” Jalo he, “Aborahama, Ke tlaa go bolelala se Ke leng mo tseleng ya Me go se dira,” re tswelala ka yone bosigong jono, “golo koo ko Sotoma,” le se bona botlhe ba neng ba ile go se dira. Mme ka bonako fa A sena go segofatsa Aborahama, O ne a boela ko lefaufaung gape. Monna yo neng a eme foo ebile a ne a na le lorole mo diaparong tsa Gagwe, Monna. Mme e seng seo fela, fela O ne

a ja nama ya namane e Aborahama a neng a e bolaya, ebile ne a nwa maši a a tswang mo kgomong, a ba a ja dikukunyana tsa mogoma (senkgwenyana sa mabele), mme se ne se na le botoro mo go sone. Go jalo totatota. Mme a tloga a fetogela morago ko mmeleng wa selegodimo gape.

<sup>637</sup> E ne e le eng? Goreng A se ka a go tsaya ka nako eo? O ne a ise a ko a tsalwe jaaka wena le nna. Fela O ne a tshwanela go tsalelwa mo nameng, gore A tle a kgone go tshola lebolela leo. Oo e ne e le mmele o o tlhodilweng. E ne e le mmele o Ena fela a neng a ntsha khalesiamo le phothashe mo mmung, a bo a re, "Whew," a bo a tsena mo go one. Ke selo se se tshwanang se Melegiseteké a neng a le sone. O ne a tsena ka mo go ene, ka mo mmeleng o A neng a ka kcona go tswela ntle fa pele ga gagwe mo tlase ga lesire, wa lesire la tlholego e e Leng ya Gagwe; e seng lesire la tlholego ya mosadi, ka se—sele, le goka. Fela O ne a tlhola sena mme a tsena ka mo go one, a bo a bua, ka fa mokgweng wa ga Melegiseteké.

<sup>638</sup> Melegiseteké yona ke Mang?

*Gonne Melegiseteké yona, kgori ya Salema, (e e leng Jerusalema), kgosana ya Modimo mogodimodimo, (tlhomame), yo neng a kgatlhana le Aborahama a ne a boa kwa kganyaolong ya dikgori, mme a mo segofatsa;*

*Yo gape Aborahama a neng a mo naya bosome jwa tsotlhe; yo santla go ya ka phuthololo e leng Kgori ya tshiamo, (lorato le legolo leo, Mowa o mo tona oo ko tshimologong) . . . Kgori ya tshiamo, . . . morago ga seo . . . Kgori ya Salema, e e leng, Kgori ya kagiso;*

*A sena rra, a sena mma, a sena losika, a sena a kana tshimologo ya malatsi, kgotsa bokhutlo jwa botshelo; . . .*

<sup>639</sup> E ne e le mang? O ne a ise a ko a tsalwe, ga A kitla a swa. Ena ke mang? E ne e le Modimo, go tlhomame, go ne go ntse jalo, mo go bontshetseng pele ga Morena Jesu. Go tlhomame go ne go ntse jalo. Fela O ne a tshwanela go tla ka mosadi, go ya ka fa setshwanang se lo tllang ka mosadi. Mme O ne a tshwanela go tla ka tsela e lo tllang ka yone, gore a kgone go lo busetsa kwa go Ena. Haleluya!

Letlhogonolo le le gakgamatsang, ka fa modumo o leng botshe ka gone,  
Le le bolokileng serorobe se se humanegileng,  
se se foufetseng jaaka nna!  
Gangwe ke ne ke timetse, fela jaanong ke bonwe, ke letlhogonolo la Gagwe,  
Ke ne ke foufetse, fela jaanong ke a bona.

<sup>640</sup> Ke tlhaloganya se A neng a tshwanetse go se dira. Modimo ne a fetoga a nna nna, gore nna ka letlhogonolo ke tle ke fetoge ke nne wa Gagwe. O tsere maleo a me, gore ka tshiamo ya Gagwe

ke tle ke nne le Botshelo jo Bosakhutleng. Ke ne nka se kgone go ikgetha. Tlholego ya me e ne e le moleofi. Ga ke a ka ka nna le sepe sa go dirisana le gone. Ke ne ka “tsalwa ka ga lefatshe, ka bopegela mo boikepong, ka tla mo lefatsheng ke bua maaka.” Go se le e leng tšhono, gotlhelele; go se sepe, go se le e leng keletso.

<sup>641</sup> Bolelela kolobe gore e “phoso, e ja metsing a a leswe,” a o tlaa dira? O bone ka fa a tlaa go reetsang thata ka gone. Bolelela legakabe gore le “phoso, gore le je mo setotong se se suleng,” mme o bone se le tlaa go se bolelelang. Fa a ne a ka kgona go bua, “O tlhokomele tiro e e leng ya gago.” Go tlhomame.

<sup>642</sup> Ao, fa e ne e se ka lethgonolo la Modimo le le fetotseng tlholego ena, la nnaya tšhono ya go eletsa le go galela le go nyorwa, “Bopelonomi jo bo lorato jwa Gago bo botoka mo go nna go feta botshelo, Oho Modimo. Pelo ya me e tlaa Go tlhologelwa.”

<sup>643</sup> Dafita ne a re, “Jaaka kwalata e hemahemela melatswana ya metsi, mowa wa me wa botho o Go nyorelwala jalo, Oho Modimo.”

<sup>644</sup> Modimo o neile motho lenyora leo, go Mo obamela, go rata, go Mo senka. Fela motho o le sokamisa ka ntlha ya pitso ya ga diabolo, mme o a tloga a iphetlhele basadi le menate le dilo tsa lefatshe, a leka go kgotsotsa tlholego e e boitshepo eo e Modimo a neng a e baya mo teng, go Mo rata. O e baya mo dilong tsa lefatshe. Fela, mokaulengwe, fa ena gangwe a fetotswe, mme motswedi oo ka dikwidimogo go one, mehuta yothle ya—ya maragaraga a ledi, a ntlafaditswe ebile a phepafaditswe, mme Metsi a a phepa a Modimo a tsentswe teng moo, boleo bo ka se kgone le ka motlha ope jwa le ama. Amen.

Oho ka fa ke Mo ratang ka gone! Ka fa ke Mo  
ratang!

Botshelo jwa me, phatsimo ya me ya letsatsi,  
gotlhe ga me mo go tsotlhe!

Motlhodi yo mo tona o fetogile a nna  
Mompoloki,

Mme bottlalo jotlhe jwa Modimo bo agile mo go  
Ena.

A fologa go tswa kgalalelong ya Gagwe, polelo  
e e tshelelang ruri,

Modimo wa me le Mompoloki ne a tla, mme  
Jesu e ne e le Leina la Gagwe.

A tsalestswe mo bojelong, e le moeng ko go ba e  
leng ba Gagwe,

Modimo wa bohutsana, dikeledi le tlalelo e e  
mahehe.

Oho ka fa ke Mo ratang ka gone! Ka fa ke mo  
ratang thata ka gone!

Mohemo wa me, phatsimo ya me ya letsatsi,  
gotlhe ga me mo go tsotlhe!

<sup>645</sup> Oho Modimo! O ne a ka kgona jang go go dira? Motho o lekile go lo kwala. Mongwe ne a re:

Fa rona re ne re ka tlatsa lewatle ka enke,  
Le mothaka mongwe le mongwe mo lefatsheng  
e le pene;  
Mawapi otlhe a ne a dirilwe ka tsebe la letlalo,  
Mme motho mongwe le mongwe e le mokwadi  
ka tiro,  
Go kwala lorato la Modimo kwa godimo.

Ka fa Modimo yo motona yoo wa Legodimo a fetogileng a nna nama mme a tsaya maleo a me!

Go kwala lorato la Modimo kwa godimo  
Go tlaa muna lewatle le omelele;  
Kgotsa le fa tsebe ya momeno e ne e na le  
gotlhe,  
Le fa e bapotswe go tloga lewaping go ya  
lewaping.

<sup>646</sup> Mme go direla bajaboswa ba poloko ena tshegofelo e e tlhomameng, O ne a ikana ka Sebele gore O tlaa re tsosa mo metlheng ya bofelo, a re neye Botshelo jo Bosakhutleng. “Mme ga go motho ope yo o ka ba swatolang mo seatleng sa Me.” Amen.

A re rape leng.

<sup>647</sup> A o na le molato wa go tswitla lorato lwa Gagwe? A o ne wa ikgogona Sebelebele sa Gagwe se se segofetseng, yo motona Yona yo o go dirileng se o leng sone? Mme jaanong wena o fano, mosong ono, bokgakala jona mo botshelong, mme go go naya tshono. A o batla go tswelela o tshela? Go na le tsela e le nngwe fela ya go tshela, eo ke go dumela Morena Jesu. Fa wena, go tswa mo pelong ya gago, o dumela gore Ke Morwa Modimo ebile o Mo amogela e le Mmoloki wa gago, mme o dumele gore Modimo o Mo tsoseditse tshiamiso ya gago, fa o batla go go amogela mo godimo ga motheo oo, ke ya gago jaanong.

<sup>648</sup> A o tlaa tsholetsa seatla sa gago? Mowa mongwe wa botho o sa ikotlhaeng, o o tlaa batlang go ikotlhaya mosong ono, o re, “Nkgakologelwe, mokaulengwe, moreri, jaaka re ya thapelong. Le nna ke paletswe. Ke ipatagantse le kereke, fela ke—ke a itse ga ke—ga ke ise ke ko ke nne le seo se o buang ka ga sone. Ga ke ise ke ko ke tsalwe ke Mowa oo, Mokaulengwe Branham. Nna fela—nna fela ga ke na One, moo ke gotlhe. Ke batla o nthapelele, gore Modimo o tlaa O nnaya mosong ono.” Modimo a go segofatse, rra. A go tlaa nna le yo mongwe? A re, “Modimo, ntire se O batlang gore ke nne sone. Ke batla gore O nne. . . . Ke batla go nna jaaka O batla gore ke nne ka gone. Ke tswitlile lorato lwa Gago.” Modimo a go segofatse, morwa.

<sup>649</sup> Motsotso fela jaanong.

Fa rona re tlatsa lewatle ka enke,  
 Mme lewapi le ne le dirilwe ka tsebe letlalo;  
 Fa letlhaka lengwe le lengwe mo lefatsheng e  
     ne e le pene,  
 Mme monna mongwe le mongwe e le mokwadi  
     ka tiro;  
 Go kwala lorato la Modimo kwa godimo  
 Go ne go tlaa muna lewatle le omelele;  
 Kgotsa fa tsebe ya momeno e ne e tlaa kgona  
     go tshola gotlhe,  
 Le fa e ne e gagamaditswe go tloga lewaping go  
     ya lewaping.  
 Ao, lorato lwa Modimo, ka fa le humileng ka fa  
     gone ebile le leng phepa!  
 Ka fa le sa tlhaloganyeng ka gone ebile le  
     nonofileng!  
 Ka metlha yotlhe le tla itshokela,  
 Pina ya baitshepi le Baengele.

<sup>650</sup> Modimo yo o rategang, ka nnete mmoki yo o kwadileng mafoko ao a ne a tshwana fela le a mangwe a mantsi a badumedi ba Gago, a senka, a leka go fitlhela mafoko go lo bua. Mme go kwadilwe mo Baebeleng, “A mantsi, ka gore moreri o ne a le botlhale, o ne a senka mme a tlhoma mafoko a le mantsi mo tolamong.” Ao, ka fa re tlaa ratang go nna le loleme le tlhalosomafoko gore re ne re ka kgona go tlhalosetsa batho se lo leng sone ka mmannete, fela go ne go ka se kgonwe go bonwa mo dipounameng tsa motho yo o swang. Bosakhutleng jotlhe, go sena pelaelo epe a kana bo ne bo ka kgona go lo senola, ka fa e leng gore Modimo wa Legodimo o kile a ba a tla mo lefatsheng go boloka baleofi ba ba humanegileng, ba ba latlhgileng, ba ba tlhomolang pelo.

<sup>651</sup> Ke a Go rapela, Rara, gore ka mafoko ano a a mmalwa a a sa rojwang, kgotsa ka mafoko a a robegileng mosong ono, jaaka ke tshwanetse nka bo ke buile, gore mongwe o bone kagiso le kgotsofalo le kgomotso e e nonofileng, yo o tshabetseng kwa botshabelong. Mme mma mowa wa bona wa botho o itssetsepse mo tsholofetsong eo e Modimo a neng a ikanela yone, gore O tlaa ba tsosa kwa motlheng wa bofelo. Diatla di le mmalwa di ne tsa tlhatloga, mo kagong, gone fano mo motlaaganeng ona. Modimo, ba neye tsholofelo eo e e nitameng, gone jaanong. Mma ba itssetsepse mo Lefikeng la metlha. Go sa kgathalesege ka fa lewatle le ka nnang la tsubutla mo go maswe le makwati a bone a mannye a tlaa tlolang ka gone, ba na le seitsetsepse, tsholofetsa ya Modimo. Ba nna foo, “Modimo o Go buile. Ga a kgone go aka.”

<sup>652</sup> “Ena yo o utlwang Mafoko a Me,” a ke lekileng go a rera mosong ono, “mme a dumela Ene yo o Nthomileng, Jehofa, o na

le Botshelo jo bosafeleng; mme ga a na go tla mo katlholong, fela o dule losong mme a tsena mo Botshelong.”

<sup>653</sup> Oho Wena wa Bosakhutleng, segofatsa bao gompieno. Mme mma motho mongwe le mongwe teng mono yo o seng fa tlase ga Madi, mowa wa bona wa botho o ise o ke o sokologe, mma go diragale gone jaanong, Morena. O dire bosaitseweng. Gotlhe ke ga Gago. Go neetswe Wena. Ke rapela gore O tlaa bo ba naya, Botshelo jo Bosakhutleng. Mma, letsatsi lengwe, ka kwale ko letshitshing le lengwe, jaaka ka monokela re fologa go ralala kgophu, mma re kopaneng ka kwa kwa ba ka se tlholeng le ka motlha ope ba bua ba re “sala sentle.”

Letsatsi lengwe re tlaa tla ko nokeng mo go tswalweng ga nako,

Nakong e dikakanyo tsa bofelo tsa kutlobotlhoko di ileng;

Go tlaa bo go na le mongwe a letile yo o tlaa re supegetsang tsela,

Ga ke na go tshwanela go kgabaganya Jorotane ke le esi.

Go tlaa bo go na le Mongwe, mongwe yo o letileng yo o tlaa mpontshang tsela,

Ga ke na go tshwanela go kgabaganya Jorotane . . .

<sup>654</sup> Botlhe ba ba nang le tsholofelo eo, tsholetsa seatla sa gago jaanong jaaka o inamolosa tlhogo ya gago.

Ga ke na go tshwanela . . .

Jaanong Mo obameleng fela. Molaetsa o fedile. A ga lo a itumela? Modimo ne a ikana gore ga A tle go dira . . . Modimo ne a ikana gore O tlaa kopana le wena koo.

Jesu o swetse go letlanyetsa maleo otlhe a me;  
Nakong e nna ke bonang lefifi . . .

Wa reng? Lebolela le ile.

O tlaa bo a ntetetse,  
Ga ke na go tshwanela go kgabaganya Jorotane ke le esi.

Dinako tse ke katogetsweng, ebile ke lapisegile . . .

Mo obamele fela jaanong.

Go lebega ekete ditsala tsa me tsotlhe di ile;

A o kile wa ba wa goroga ko lefelong leo?

Fela go na le kakanyo e le nngwe e e nnametsang.

Tsholofetso e ne e le eng?

E itumedisang pelo ya me,  
 Ga ke na go tshwanelo go kgabaganya  
 Jorotane . . .

<sup>655</sup> Jaanong, bana ba tsholofetso, Mo obameleleng fela go go dira.

Ga ke na go tshwanelo go kgabaganya Jorotane  
 ke le esi,  
 Jesu o swetse go letlanyetsa maleo otlhe a me;  
 Go diraga la eng jaanong?

Nakong e ke bonang lefifi, O tlaa bo a ntetetse,  
 Ga ke na go tshwanelo go kgabaganya Jorotane  
 ke le esi.

“Fa ke goroga ko nokeng . . .” Mongwe le mongwe wa lona o e tla. Go na le moriti o mogolo, o o lefifi o ntse foo fa pele ga gago. Ke mojako o mogolo. O tsena teng moo, lengwe la malatsi ana, gongwe pele ga letsatsi le feta, gongwe pele ga kereke e tswala mosong ono. O tsena teng moo. Nako nngwe le nngwe fa pelo eo e iteya, wena o kgato e le nngwe fa gaufi.

Fela nakong e ke bonang lefifi, O tlaa bo a letile  
 foo,

O rile O tlaa dira. O ikanne gore O tlaa dira.

Ka ntlha eo ga ke na go tshwanelo go  
 kgabaganya Jorotane ke le esi.

<sup>656</sup> Oho Morena yo o segofetseng, dipelo tsa rona di tletse, mosong ono, go ya kwa di tshologang.

<sup>657</sup> Go akanya ka ga nako e kiteo ya pelo e khutlang, mme mooki a gatelela mosamo go dikologa tlhogo ya gago. Mme diatla tsa gago, o sa tlhole o kgona go di tsamaisa. Diatla tsa gago di fetogile metsi a a gatsetseng. Bana ba gago, mmaago, ba ba ratiwang ba gago ba goletsa ebile ba lela. Mojako o mogolo oo o swaega o bulega, ka kwale. O tlaa bo a letile.

<sup>658</sup> Dafita ne a re, “Fa ke dira bolao jwa me ko diheleng, O tlaa bo a le foo.” Ga ke na go tshwanelo go kgabaganya ke le esi. Nako e metsi a a kgatshiegang a noka a simololang go kgatshiegela mo sefatlhegong sa rona, Modimo o tlaa tsaya mokoro wa go sireletsa, a re kaele gone go e kgabaganya. O soloeditse gore O tlaa dira. Dafita moporofeti ne a re, “Eya, le ntswa nka tsamaya go ralala kgophu ya moriti wa loso, ga ke na go boifa bosula bope. Wena o na le nna. Rootwane ya Gago le thobane ya Gago, di a nkgomotsa.”

<sup>659</sup> Morena, re itumetse thata gompieno, gore re ne ra akaretswa mo mojabosweng wa tsholofetso. Gompieno re na le mo teng ga rona Botshelo jo Bosakhutleng, ka gore re rata Morena Jesu mme re Mo dumetse, mme re amogetse Lefoko la Gagwe le thuto ya Gagwe. Mme O ne a re naya, e le sekano sa tumelo ya rona,

Mowa o o Boitshepo, sekano sa Mowa o o Boitshepo. Tumelo ya rona mo teng ga rona e itsetsepse. Mme le ntswa dinako di le dintsi re tsamaya go ralala meriti e e lefifi, dinako di le dintsi re kgopega go tswelela ka tsela, fela seitsetsepse sa rona se santse se tshwarelela. Go na le sengwe mo go sone, kgakala ka kwa, se se lebegang ekete se kaelela go tswelela pele, se re, “Tswelela pele. Re tswelela pele.”

<sup>660</sup> Modimo, re segofatse. Re a Go tlhoka. Re tshole re ikanyega ka metlha re bile re le bonneta go fitlhela nako e O re tlelang ka yone, re tlaa Go baka go ralala dipaka tse di senang go khutla. Mme letsatsi leo fa re ema mo lefatsheng... Dinao tsa Gagwe tse di segofetseng ga di ise di kgome lefatshe go fitlheleng nako e. Ke yoo a eme foo, mo moweng; mme baitshepi le ba ba rekolotsweng mo dipakeng tsotlhе, go ralala tebello nngwe le nngwe, ya ntlha, ya bobedi, ya boraro, ya bonê, ya botlhano, ya borataro, le ya bosupa, botlhe ba eme foo ba apesitswe ka tshiamo ya Gagwe; re Mo rwesa korone e le Kgosi ya kgosi le Morena wa barena, eibile re opela dipolelo tseo tsa thekololo. Dipelo tsa rona tse di humanegileng di tlaa roroma jaaka re Mo leba Ena yo o re ratileng a ba a Ineela ka ntlha ya rona. Fa re ne re santse re sa ratege eibile re le baleofi, Keresete ne a swa gore re tle re bolokesege. Re Go lebogela gone, Rara, ka Leina la Keresete. Amen.

<sup>661</sup> Lo a Mo rata? Ao, ka fa A leng wa popota ka gone. A ga o ikutlwе fela ekete wena o tlaa rata fela gore ka tsela nngwe fela o beye diatla tsa gago go Mo dikologa? A o ka se ka wa rata fela go gagabela gone mme o ame dinao tsa Gagwe, lo a itse?

<sup>662</sup> Lo a itse, go ne go tlwaetswe go na le batho bangwe ba neng ba tla ko ditirelong tsa me ko Phoenix, Arizona, ba re, “Ke tlaa rata go go buisanya le Ena. Ke tlaa rata go re, ‘Morena, O ne wa nthata nako e tsela ya me e neng e fetogile lotobo thata.’” Ke tlaa rata fela go go buisanya le Ena pele ga re kgabaganya. Ke—ke batla go Mmona. Ke—ke—ke batla fela go Mmona. Go akanya ka fa ke tlaa ikutlwang ka gone, ka fa pelo ya me e e tlhomogileng e tlaa roromang fa ke Mmona a eme foo.

<sup>663</sup> Ke ne ke ka ipotsa kgapetsakgapetsa, “Ke eletsa nka bo ke ne ke utlwile Lentswe leo le re, ‘Tlayang ko go Nna, lona lotlhe ba lo dirang ka thata ebile le imelwang. Ke tlaa lo naya boikhutso.’”

<sup>664</sup> Nna kooteng ga nketla ke utlwa moo go ya ka ditlhaka jaaka A go buile ka nako eo, fela ke batla go Mo utlwa a bua a re, “Lena ke letsatsi la bofelo. Go ne ga dirwa sentle, motlhanka wa Me yo o siameng le yo o ikanyegang, jaanong tsena ka mo maipelong a Morena a a nnileng a a baakanyetsa wena.” Esale go tloga leng?

<sup>665</sup> “Esale o bolokesega?” Nyaya mokaulengwe.

<sup>666</sup> “Esale motheong wa lefatshe, fa Ke ne ke go bona ebile ke go itsel e kwa pele ga nako, ebile ke go laolela ko Botshelong jo Bosakhutleng,” o ne o segofetse ka nako eo. “Botlhe ba A

ba itsileng pele, O ba biditse." A go jalo? [Phuthego ya re, "Amen."—Mor.] "Boltche ba A ba biditseng, O ba siamisitse. Bao ba A ba siamisitseng, O setse a ba galaleditse." Lona lo bao. O ne a re itse pele, a re bitsa, a re siamisa, mme re setse re galaleditswe le Ena, kwa bokhutlong jwa lefatshe, re ya kwa tuelong ya rona. A ga lo a itumela? ["Amen."] Go tlhomame, go tlaa go dira gore o Mo rate. Fa o ne o sa kgone go ithusa, mme Ena ke yona ne a tla mme a go direla seo.

<sup>667</sup> *Go Sego Sebofo Se Se Bofang*, Kgaitsadi Gertie. "Dipelo tsa rona mo loratong lwa Bokeresete," fa re santse re tshwere kabalano e nnye ena ya kobamelo fano, morago re ile go rapelela ba ba lwalang. Modimo a lo segofatse. Lona ba lo tsholeleditseng Keresete diatla tsa lona mosong ono, ipatleleng lefelo la go obamela, lo Mo direle.

<sup>668</sup> Jaanong, a re Mo obameleng fela jaanong, re le phuthego, lona boltche Mamethodisti, kereke ya Modimo, Assemblies of God, Mapresbitheriene, Malutere, Khatholike. Rotlhe ga mmogo jaanong, a re opeleleng jaanong.

Go sego sebofo se se bofang  
 Dipelo tsa rona ka lorato la Bokeresete;  
 Kabalano ya ditlhologanyo tsa losika le le  
 lengwe  
 E jaaka eo e e kwa Godimo.  
 Fa pele ga terone ya ga Rraetsho,  
 Re tshollela dithapelo tsa rona tse di  
 tlhoafetseng;  
 Dipoifo tsa rona, tsholofelo ya rona,  
 maikaelelo a rona, a mangwe fela,  
 Kgomotso ya rona le tlhokomelo ya rona.  
 Fa re kgaogana,  
 Go re naya botlhoko jo bo ka mo teng;  
 Fela re tla bo re santse re lomagane mo . . .

Ke Mamethodisti ba le ba kae, Mabaptisti, le boltche?

Mme re solo fela go kopana gape.

<sup>669</sup> A moo ga go go dire o ikutlwé sentle? A re retologeng mme re dumedisaneng ka diatla jaanong, fa re santse re tlaa e opela gape.

Pele ga . . .

Dumedisanang ka diatla, mongwe kwa morago ga gago, kwa pele ga gago, mo letlhakoreng lengwe le lengwe.

. . . teroneng,  
 Re tshollela dithapelo tsa rona tse di  
 tlhoafetseng;  
 Dikgomotso tsa rona le tlhokomelo ya rona.  
 Jaanong fa re kgaogana,

Re tlaa ratana.

Go re naya . . .

Re eletsa okare tirelo e ne e tlaa tswelela? Lo a bona? Ke ka fa re akanyang ka gone.

. . . botlhoko jo bo ka fa teng;  
Fela re tla bo re santse re lomagane ka pelo (e  
le nngwe),  
Mme re solofele go kopana gape.

Fa go sa tlhole go le fano, kwa Letsatsing le le tona leo re tlaa kopana.

<sup>670</sup> Jaanong, Rara, amogela kobamelo ya rona mosong ono. Tsaya Lefoko mme o Le jwale ka mo dipelong tsa badumedi. Mme ba se nne fela bao ba ba phailaphailetsweng mo tikologong, mme ba le kwa godimo gompieno le kwa tlase ka moso, fela mma Mafoko ana a bone lefelo la one la go itshetlela mo pelong ya modumedi mongwe le mongwe. Go itse sena, gore, “Modimo o ikanne ka maikano, mme go na le dilo di le pedi tse di sa kgoneng go fetoga. Go sa fetogeng ga Modimo, moo ke, gore ga go kgonege gore Ena a ake, gore bajaboswa ba poloko ena ba tle ba nne le tsholofelo ena e e tiileng, e nitame e bile e tlhomame, seitsetsepetsa mo moweng wa botho.” Go itse sena, gore, “Modimo o re soloeditse, ka maikano a a ikanweng. Sa ntlha, gore ga A kgone go aka; se sengwe, O ikanne maikano mo godimo ga seo, gore O tlaa re tsosa kwa letsatsing la bofelo mme a re neye Botshelo jo Bosakhutleng.” Re itseng, gore, “Morago ga re sena go bitswa, gore O ne a bua gore O re itsile pele ga motheo wa lefatshe, mme a re tlhomamisetsa pele ko go beweng jaaka bana ka Jesu Keresete. Mme O re itsile pele. O re biditse. Mme fa A ne a re bitsa, O ne a re siamisa.” Re ka se kgone go itshiamisa, jalo he O ne a re siamisa ka loso la Morwa o e Leng wa Gagwe. “Bao ba A ba siamisitseng, O setse a ba galaleditse.” Lefoko le setse le builwe. Mme rona re fela mo tseleng ya rona, re tsamaya re tswelela, re ipela mo tseleng ya rona go ya Kgalalelong.

<sup>671</sup> Naya batho tumelo, mme mma mekgwanyana le dilo tse di kaletseng mo bathong, mma ba tshikinye tseo di tloge mo go bone, mosong ono, ka Lefoko lena la Modimo le e leng seitsetsepetsa sa mowa wa botho, le nitame eibile le tlhomame. Mma ba itshikenye ba tlogele kgakala le mekgwa ya bona, ditshakgalonyana tsa bona. Le dilo tse di nnileng di le . . . Jaaka Paulo a ne a bua, kwa karolong e e kwa pejana ya molaetsa mo malatsing a a mokawana, “A re latlheng bokete bongwe le bongwe, le boleo jo bo re raretsang motlhofo jaana, gore re tle re siane ka bopelotelele peiso e e beilweng fa pele ga rona; re lebile kwa mosimoloding le mowetsing wa tumelo ya rona, Jesu Keresete, yo neng a raelwa ka mekgwa yotlhe jaaka re ntse, le fa go le jalo ntleng ga go leofa.” O ne a letlelelwa gore a raelwe, fela ga A a ka a ela thaelo tlhoko. Mme rona re raelwa go leofa, fela

le ka motlha ope ga re e ele tlhoko. Ka gore Botshelo jo bo leng ka mo teng ga rona ke seitsetsepetsa sa bogorogelo jwa rona jwa Bosakhutleng, mme re tshwara joo bo le boitshepo mo pelong ya rona.

<sup>672</sup> Jaanong, go na le ba le bantsi ba Satane a ba sotlileng ka malwetsi. Re ipaakanyetsa go ba rapelela, Rara. Mma bona, jaaka ba feta mo tlase ga Lefoko la Modimo gompieno... Lefoko le le rategang thata leo le le neng la rerwa, Baebele e neela bopaki, Baengele ba Modimo ba eme fa gaufi, le Mowa o o Boitshepo o mogolo, kwa godimo ga tsotlhe, o eme fano go supela Lefoko. Jaanong, Rara, jaaka ba feta fa tlase ga Lefoko la tsholofetso, mosong ono, mma ba tloga ditilo le-le malao a go menega a ba rapameng mo go one, le gore fela bona ba siamisiwe. Go tlosa ditshegetsi tsa bona, go tlogela ditilo le-le malao a go menega a ba rapameng mo go one, le gore fela bona ba siamisiwe. Go lettlelele, Morena. Mma ba boe kwa tirelong e e latelang e ba lettleletseng gore ba tle, kgotsa kwa dikerekeng tse e leng tsa bona, ba ipela, ba supegetsa dilo tse ditona tse Keresete a neng a di dira. Sena re se sekegela e le selo se batho ba se tlhokang gore go nne kgalalelo ya gago, ka Leina la Jesu. Amen.

<sup>673</sup> Ke tshwanetse ke ikopele itshwarelo ka ntlha ya tsholofetso e ke e dirileng, gore mosong ono re tlaa nna le kgaolo ya bo 7, fela ga ke a ka ka goroga kwa go yone. Mme re tshwanetse re lettleleng nakonyana fano ka ntlha ya—ka ntlha ya sena, ya mola wa thapelo. Mme jaanong, bosigong jono, Morena fa a ratile, re tlaa tsaya kgaolo ya bo 7, mme re batliseng gore Melegiseteke yona e ne e le Mang. Ke ba le kae ba ba tlaa ratang go itse? Ao, rona fela re ya gone kwa tlase kwa go Ena, go batlisisa totatota fela Yo A leng ena. Mme Lokwalo le bolelela Yo A leng ena. Lo a bona?

<sup>674</sup> Mme Scofield neya re e ne e le “boperesiti.” E ka nna jang boperesiti, bo sena tshimologo kgotsa bokhutlo? Lo a bona, e ne e se boperesiti. E ne e le Monna, Melegiseteke (Leina), Motho.

<sup>675</sup> Jaaka, ke sa tlhokomologeng, fela Boranyane Jwa Bokeresete bo bua gore Mowa o o Boitshepo ke “kakanyo.” Mme Baebele ne ya re, “Ena, Mowa o o Boitshepo.” Mme Ena ke leemedi la motho. Ke Motho; e seng kakanyo. Ke Motho. Go sena pelaelo epe.

<sup>676</sup> Mme Melegiseteke ke Monna, Monna Yo neng a sena tshimologo ya malatsi kgotsa bokhutlo jwa dingwaga. O ne a sena a kana rra a kana mma, kgotsa letso. Mme re tlaa itse Yo E leng ena, Morena fa a ratile, bosigong jono, ka Lefoko. A lo a Le rata? [Phuthego ya re, “Amen.”—Mor.] Ao! “Lefoko la Gago ke lebone mo tseleng ya me le dinaong tsa me.” Ao!

<sup>677</sup> Jaanong, wa re, “Mokaulengwe Branham, ga ke Go tlhaloganye gotlhelele.” Le nna ga ke dire.

<sup>678</sup> Fela, nako nngwe, ke ne ke rera golo ko Khenthakhi. Mme ko go bangwe ba eseng kgale ba tlide, le Khatholike le ba bangwe ba ba farologaneng, ba ba ka nnang ba bo ba sa tlhaloganye ka fa

dilo tsena tse di boteng, tse di humileng tsa Lokwalo di leng ka gone. Ke ne ke ntse ke rera ka phodiso ya Selegodimo. Mosetsana yo monnye a sa rwala ditlhako ne a tlisa . . . Ebile o ne a ise a gole dingwaga di le lesome le botlhano, a ne a na le lesea le le nnye mme le ne le na le moteteselo. Ke ne ka re, "Bothata ke eng, kgaitsadi, ka lesea la gago?"

<sup>679</sup> Ne a re, "Le na le go kgogolega." O ne a sa itse se a ka se buang, moteteselo. O ne a sa itse se a ka se bo bitsang.

<sup>680</sup> Selo se sennye gongwe a ne a ise a ko a rwale para ya ditlhako, mo botshelong jwa gagwe. Mokapelo wa monna mongwe, moriri o moleele o lepeleletse kwa tlase. Ke ne ka re, "A o a dumela?"

<sup>681</sup> Mme matlho ao a mannye, a le bokwebu jwa setala a ne a nteba. O ne a re, "Eya, rra. Go tlhomame ke a dumela."

<sup>682</sup> Ke ne ka tsaya leseanyana. Mme fa ke ne ke santse ke le rapelela, le ne la tlogela go kgogola. Uh-huh. Mme le ne la tswela ntle, la tswela ntle.

<sup>683</sup> Letsatsi le le tlhatlhhamang, ke ne ke tsoma megwele, ka kwa ka ko letlhakoreng la thaba. Ke ne ka utlwa banna bangwe ba dutse foo ba bua, šage ya kgale e tserema. Mme ke ne ka ngongwaelela kwa tlase. Ke ne ke ntse ke tsoma megwele. Ba ne ba bua ka ga me, ba dutse foo, ba tlhahuna motsoko ebile ba kgwa mathe. Matlhare a fofa, jalo. Mme ba ne ba bua ka ga, jaanong, ka ga bokopano bosigo jo bo neng bo fetile. Mongwe wa bona ne a re, "Ke bone lesea leo. Ke ne ka feta koo, mosong ono. Lone ga le kgogole, ka nako e mosong ono." Lo a bona? Ne a re, "Moo ne go le ga mmannete." Mme o ne a kgwa mathe.

<sup>684</sup> Mme ba ne ba beile ditlhobolo di seegilwe mo setlhareng, jalo he ke ne ka akanya gore go ne go le botoka ke ipege. Lo a itse, ba na le ditlhhabano golo koo, le gone. Jalo he, ke ne ka tsamaela kong. Ke ne ka re, "Dumelang, bakaulengwe."

<sup>685</sup> Mogoma yo mogolo yo motona yoo, yo go neng go lebega ekete o ne a bua, o ne a na le motsoko o a neng a o tlhahuna mo molomong wa gagwe, *jalo*, kgakala mo lotlhakoreng *jalo*, le molala o mogolo, o moleele. Mme o ne a rwetse hutshe e tona e kgolo ya kgale, e gogetswe mo tlase mo godimo ga sefatlhego sa gagwe. O ne a leba mo tikologong mme a mpona. O ne a otlollela kwa godimo mme a tshwara hutshe eo, e kgogola a e rola, ne a dira . . . [Mokaulengwe Branham o a metsa—Mor.] Ne a metsa motsoko oo wa go tlhahuniwa, ne a re, "Dumela, moruti." Lo a bona? Ee, rra. Tlhompho. Mme moo go siame. Ka fa ena a ileng a ba a tshela le seo, ga ke itse, fela o ne a dira.

<sup>686</sup> Jalo he, bosigo jo bo latelang, ke neng ke boa, go ne go na le monna foo yo neng a batla go ngangisana le nna gannyennyane. O ne a tsena ko kerekeng e e neng e sa dumele phodiso ya Selegodimo. Jalo he, ena e ne e le kereke ya Methodisti, White Hill, Khenthakhi. Jalo he ena—o ne a ya kwa go . . . O ne a eme kwa tle. O ne a tshwere lobone mo seatleng sa gagwe. Mme o ne

a re, “Ke batla go bua sengwe, moreri. Nna fela nka se kgone go amogela Seo, ka gore ga ke kgone go E bona.”

<sup>687</sup> Ke ne ka re, “Ga o kgone go E bona?”

<sup>688</sup> O ne are, “Nnyaya.” Ne a re, “Ke motho yo o lwalang, ka bonna. Fela,” ne a re, “Nna fela ga ke kgone go E bona.”

Ke ne ka re, “O nna kae?”

O ne a re, “Morago ka kwale ga Big Renox.”

Ke ne ka re, “Sentle, o ile go goroga jang ko gae?”

O ne a re, “Sentle, ke ile go tsamaya ka dinao go ya gae.”

Ke ne ka re, “A o kgona go bona legae la gago?”

O ne a re, “Nnyaya, rra.”

Ke ne ka re, “Go lefifi mo go boitshegang bosigong jono, go maru.”

O ne a re, “Ee.”

Ke ne ka re, “O ya jang gae?”

O ne a re, “Ka lobone le.”

Ke ne ka re, “Lobone ga lo bontshe lesedi tsela yotlhe go fitlha kwa ntlong.” Ke ne ka re, “O tsamaya jang?”

O ne a re, “Ao, ke tsamaya ka lobone.”

<sup>689</sup> Ke ne ka re, “Moo ke gone. O na le lesedi la lobone jaanong, mme nako nngwe le nngwe fa o gateka ka mo tseleng *ena*, lesedi le tlaa tswelela le ntse le bontsha kwa pele ga gago. Fa fela o tswelela o tsamaya, lesedi le tlaa tswelela le tsamaya le wena.”

<sup>690</sup> Mme lo direng seo mosong ono, lo batla Keresete, Moperesiti yo Mogolo yo motona, Motsereganyetsi wa bolwetsi jwa gago, kgotsa matlhoko a lona, kgotsa mowa wa gago wa botho. O ka nna wa bo o sa Go tlhaloganye. Ga re dire. Fela re laetswe gore re “Tsamaye mo Leseding ka A le mo Leseding.” O tseye kgato e le nngwe mo Leseding. Mme fa o na le Lesedi le wena, Lesedi le tlaa phatsima go nna letsatsi le le itekanetseng. Le tlaa tshegetsa tsela fa pele ga gago.

Mme re tlaa tsamaela kwa godimo ga  
tselakgolo ena e ntentle ya kgale,  
Ke bolela gongwe le gongwe kwa ke yang gone,  
Nka mpana ka nna Mokeresete wa bogologolo,  
Morena,  
Go na le sepe se ke se itseng.

A lo kile lwa utlwa pina eo ya kgale?

Ga go na sepe se se jaaka Mokeresete wa bogologolo,  
 A bontsha lorato lwa Sekeresete;  
 Re tsamaya mo tsela-kgolong e ntentle ya kgale,  
 Ebile re bolela gongwe le gongwe kwa re yang gone,  
 Nna ke kampa ka nna Mokeresete wa bogologolo, Morena,  
 Go na le sepe se ke se itseng.

<sup>691</sup> Ke e rata fela. Go siame. Jaanong re ile go rapelela balwetsi. Ga re... Ga re itheye gore re kgona go fodisa balwetsi. Fa re ne re dira, re ne re tlaa bo re bolela sengwe se se phoso. Motho mongwe le mongwe yo o lwalang teng fano o setse a fodisitswe. Seo ke se Lokwalo le se buileng. “Ka dithupa tsa Gagwe re ne ra fodisiwa.” A go jalo? [Phuthego ya re, “Amen.”—Mor.]

<sup>692</sup> Moleofi mongwe le mongwe yo o leng teng fano, fa go direga gore go bo go na le mongwe, o ntse o bolokilwe esale Jesu a sule. Fela wena le ka nako epe o sekwa swela fano fa tshono ya gago e neng ya bewa fa pele ga gago gone, go ya ka fa Bolengteng jwa Gagwe ka nako eo go leka go E amogela. E diretswe jaanong. Gone jaanong o tshwanetse o E amogele. Fa o ya ka kwa ga Madi, fong wena ga o sepe fa e se... O setse o atlhotswe, ka gore o atlholwa ka tsela e o neng wa tshola ka gone Tetlanyo ya Morena Jesu Keresete. Lo a bona? Wena o... o ikatlhola foo.

<sup>693</sup> “Jalo he O ne a ntshetswa ditlolo tsa rona matsanko, mme ka dithupa tsa Gagwe re fodisitswe.” Jalo he, ga go sepe se ke tlaa nnang naso, go go fodisa. Ga go na sepe se kereke e tlaa nnang naso, go go fodisa. Selo se le nosi se re ka se rapelelang ke sena, gore tumelo ya gago ga e tle go palelwa, gore o tlaa tla fa aletareng mosong ono go amogela Keresete e le Mofodisi wa gago, jaaka o dirile ka ntlha ya Mmoloki wa gago. Mme ntengleng ga epe... Modimo o dira metlholo. O supegetsa tshupo e tona. Difofu, disusu, dimumu, sengwe le sengwe, ba a fodisiwa gone fano mo motlaaganeng. Fela a kana go jalo kgotsa nnyaya, re a E amogela, le ntswa go le jalo. Dinako di le dintsi dilo tseo ke tsa ka diponatshegelo.

<sup>694</sup> Ke ba le kae ba ba neng ba le fano go ka nna Disontaga di le tharo tse di fetileng, kgotsa di le nnê, fa monna a ne a tsena fano, a le tsoopedi yo o foufetseng le yo o suleng mhama, kgotsa a neng a dutse mo setilong ka tshika e e tlhokang tekatekanyetso? Mme pele ga ke ne ke tloga kwa gae, ke ne ka mmona mo ponatshegelong, “Gore go tlaa nna le monna foo, moriri o montsho, o o thunyang. Mosadi wa gagwe ke mosadi yo o lebegang a kgatlhisa, a ka nna yo o godilloeng dingwaga di le masome a le marataro. O tlaa tla mme o tlaa bo a lela,” mme o tlaa nkopa. “Mme ke boe ke rapelele monna wa gagwe.” O ne a dutse gone foo.

<sup>695</sup> Mme ke ne ka fologa. Ke ne ka bolelela bangwe ba bakaulengwe ba me fano, “Elang sena tlhoko.”

<sup>696</sup> Mme erile re ne re fologela ko aletareng, bangwe ba ne ba rapetse. Fa ke ne ke ya go rapela, ke ne ka tsamaela gone kong mme ka boela ka kwano. Mme mosadi wa gagwe o ne a tlhatloga a bo a tlaa fela totatota ka tsela e Morena a neng a bua gore e tlaa nna ka yone. Batho ba lebeletse go bona fa e tlaa diragala ka tsela eo. Ga e ise e ko e palelwé. Mme jalo he erile monna a ne a tsamaya . . .

<sup>697</sup> Ne ka tla ka itse, gore monna, Ngaka Ackerman, kwa tlase ko Birdseye, Indiana, e ne e le ena yo neng a mo rometse golo fano; yo e leng Mokhatholike, mme mosimane wa gagwe ke moperesiti ko lefelong la baitlami ba banna foo ko Saint Meinrad. Mme Ngaka Ackerman ke mompati yo ke tsomang nae, mme o ne a romela monna yo golo kwano. Mme Morena ne a mpontsha monna wa tlhogo e ntsho yo neng a tlaa mo romela, fela ke ne ke sa itse gore e ne e le mang.

<sup>698</sup> Ke ne ka re, “A yoo e ne e le Ngaka Ackerman?”

<sup>699</sup> O ne a re, “E ne e le ene.” Lo a bona? Mme foo monna yo . . .

<sup>700</sup> Ke ne ka re, “Ke MORENA O BUA JAANA.” Ne ka fologa. Ke ne ka re, “Rra, emelela.” A le tsoopedi go foufala ebile a ne a sa kgone . . . ena . . . Tshi—tshika ya tekatekano e ne e ile. O ne a sa kgone go itshola a eme jalo. Lo a bona? A ne a ntse ka tsela eo ka dingwaga, ne a ya kwa go boora Mayo le gotlhe mo tikologong. Mme ke ne fela ka mo rapelela thapelo, mme a mo tlhatlosa. Ke yoo ne a ya, a tsamaya a fologa mo gare.

<sup>701</sup> Sa ntlha o ne a re, “Ga ke kgone go go bona.” A bo a tloga a goa, “Ee. Ke a kgona.” Matlho a gagwe a ne a bulega foo. Ena a neng a le moothodokse, mosadi wa gagwe Mopresbitheriene.

<sup>702</sup> Batho bangwe ba akanya gore “Presbitheriene ga e thele loshalaba, le Othodokse.” O tshwanetse o ka bo o ba utlwile. Go tlhomame. Ba ne ba thela loshalaba ebile ba atlana. Ne a boa a bo a tsaya setilosekolonkothwane sa gagwe, a bo a tswelela a tsamaya go ya kwa ntle mme a fologa direpodi, fela jaaka monna mongwe le mongwe yo mongwe, o ne a kgona go bona le go bua le—le jalo jalo.

<sup>703</sup> Ne ka nna le lekwalo go tswa ka go ena, kgotsa o ne a letsá, maloba. Ke a dumela, Mokaulengwe Cox ne a ya kwa go ena. Ne a re, “Matlho a gagwe a ne a na le kutlwalo e e fisang.” Go tlhomame. Ke tshika, ditshika tsa matlho di a gola ebile di boela botshelong, lo a itse, mme e tsaya lefelo la yone. Phutso e ne ya tlosiwa.

<sup>704</sup> Fa o tlaa letla tlholego e nne le tsela ya yone, fa go se sepe se se kgoreletsang tlholego, fong yone e tlaa—e tlaa nna le taolo e e feletseng. Fa o na le sefapo go dikologa lebogo la gago, se tswalela kelelo ya madi, lebogo la gago kwa bofelong le tlaa swa.

Jaanong, ka gore, go ya ka tlholego, le tlaa siama fa wena fela o tlaa lo tlogela le le esi. Fela sengwe se kgaupeditse tlholego. Fong, fa o sa kgone go se bona, ga go na tsela epe ya gore ngaka e go lemoge. Ke dilo di le pedi fela tse a ka dirang ka tsone: se a kgonang go se bona, se a kgonang go se utlwa. Moo ke selo se le esi se a ka kgonang go dira ka sone: se a se bonang le se a se utlwang.

<sup>705</sup> Fa a sa kgone go go bona, foo o tshwanetse a nne yo o semowa. Foo go na le, selo se le sengwe se se ka kgonang, selo se le sengwe se se ka diragalang; re a rapela, Keresete o tlosa phutso, o romela diabolo kgakala, mme seo se simolola go nna se se itekanetseng, se siame. O a siama, mme ke gotlhe mo go leng teng mo go gone. "Ka leina la me ba tla kgoromeletsa ntle bodiabolo." A go jalo? Ke tsholofetso ko kerekeng. Ke tsholofetso ya thata. Eng? Gone, gone ke Bolengteng jwa Gagwe bo na le rona. Jaanong, se se re kganelang go nna ba ba itekanetseng mosong ono, go dira dilo tseo fela jaaka A go dirile, ke ka gore re santse re le ka mo lesireng. Lo a bona? Fela re na le maikutlo mangwe foo a a re bolelelang, "Ao, ee." Lo a bona?

<sup>706</sup> Mme fa o amogela phodiso ya gago, go sa kgathalesege se lesire le se buang, ke se Lefoko le se buileng. Lo a bona? Moo ke gone. Moo ke gone. Mme le—le—Lefoko ka gale le na le taolo mo godimo ga sengwe le sengwe. Lefoko la Modimo la Bosakhutleng!

<sup>707</sup> Lebang Sara, sebopelo sa gagwe se sule, a godile dingwaga di le masome a ferabongwe, a ne a nna le monna wa gagwe e sale a ne a ka nna lesome le borataro kgotsa lesome le bosupa, go se na bana; Aborahama, lekgolo. Modimo ne a retologa gone go dikologa a bo a ba naya lesea. Lo a bona? Ka gore, ba ne ba dumela. Ba ne ba bitsa dilo tseo tse di neng di seyo jaaka okare di ne di le teng. Tsena ka tsela eo mosong ono, tsala.

<sup>708</sup> Mme bosigong jono, re solofetse . . . Fa lona lotlhe lo etile mo go rona, re itumeletse go nna le lona fano mosong ono. Mme Modimo a nne le lona. Mme fa o le mo motsemogolo o tletse maitseboa ana, re tlaa itumelela go nna le wena maitseboeng ana mo tirelong ena e e setseng, ka ga Melegiseteke. Mme fong fa o se jalo, mme o na le kereke e e leng ya gago, a ye ko kerekeng e e leng ya gago. Moo ke—moo ke lefelo la gago la maikarabelo. Fa o le leloko la kereke, o ye koo. Mona ke fela motlaagana o monnye fa re phuthegang mo teng re bo re nna le kabalan mongwe le yo mongwe. Jaanong, Morena a lo segofatse.

<sup>709</sup> Mme Kgaiitsadi Gertie o tlaa re tshamekela, *Mofodisi Yo Mogolo O gaufi Jaanong*. Mme a go na le ope fano gore a rapelelwé? Tsholetsa seatla sa gago, bao ba ba batlang go tsena mo moleng wa thapelo, go baya tumelo ya gago mo go Keresete. Go siame. Fa lo tlaa tlhomagana ka mo lethakoreng *le* la kereke, fa lo tlaa dira. Mme fa ba tlaa gogela setilo kwa tlase fela

gannyennyane, mokaulengwe, fa o tlaa dira, gore re kgone go nna le lefelo le lennye teng foo mme re kgone go fetisa batho mo gare. Tlaya ka kwano mo letlhakoreng *le*.

<sup>710</sup> Mme re ile go rapela jaanong, fa re santse re rapela. Mme ke ile go kopa bagolwane fano, ba lekoko lepe kgotsa kereke, go sa kgathalesege e e leng yone, fa o dumela phodiso ya Selegodimo, a o tlaa ema fano le nna mo serialeng sena, go rapelela balwetsi? Re tlaa itumelela go go amogela. Lekoko lepe, kgotsa go se lekoko, kgotsa le fa e le eng se o leng sone, re tlaa itumelela go go amogela. A wena fela o tlaa tla jaanong, o tlela thapeло? Tlthatloga mme oeme le nna.

Mokaulengwe Neville, fa o tlaa tla le lookwane.



*BAHEBERE, KGAOLO YA BORATARO* <sup>3</sup> TSW57-0915M  
(Hebrews, Chapter Six <sup>3</sup>)  
TATELANO YA TSA BUKA YA BAHEBERE

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo mosong wa Letsatsi la Tshipi, Lwetse 15, 1957, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phutololô e ya Setswana e gatisitswê le go abiwa ke ba ga Voice Of God Recordings.

TSWANA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)